

太平御覽卷第六十一

地部二十六 上卷四

河 上卷三 祥瑞 上卷五

決灤 上卷三 濟 上卷三

淮 上卷四

沉祭 上卷五 決塞 上卷五


河河祥瑞 上卷五

沉祭 上卷五

決塞 上卷五

釋名曰河下也隨地下處而通流也

山海經曰崑崙山縱廣萬里高萬一千里去嵩山五萬里
有清河白河赤河黑河環其墟其白水出其東北陬屈向
東南流為中國河河百里一小曲千里一大曲發源及中
國大率常然東流潛行地下至規期山北流分為兩源一
出葱嶺一出于闐其河復合東注蒲昌海復潛行地下南



出積石山西南流又東迴入塞過燉煌酒泉張掖郡南與洮河合過安定北地郡北流過朔方郡西又南流過五原郡南又東流過雲中西河郡東又南流過上郡河東郡西而出龍門汾水從東于北入河東即龍門所在。

呂氏春秋曰龍門未開河出孟門東大溢是謂洪水禹鑿龍門始南流至華陰潼關與渭水合又東迴砥柱砥柱山名河水分流包山而過山見水中若柱然今陝州東河北陝縣三縣界及洛陽孟津所在至鞏縣與洛陽水合成臯翼濟水合濟水出河北至王屋山而南截河渡正對成臯又東北流過武德與沁水合至黎陽信都信都今冀州絳水所在絳水亦曰潰水一曰漳水鉅鹿之地遂合為九河

鉅鹿今鄴州大陸所在大陸澤名九河一曰徒駭二太史三馬頰四覆釜五湖蘇六簡七絜八鉤盤九葛津又合為一河而入海齊桓公塞九河以廣田居故館陶具丘廣川信都東光河間東城池九河舊迹猶存漢代河決金堤南北多罹其害議者常欲求九河故迹而穿之未知其所是以班固云自茲距漢以亡其八枝河之故潰自沙丘堰南分河出焉故尚書稱導河積石至于龍門今絳州龍門縣界南至于華陰北至于砥柱東至于孟津在洛北都道所奏古今以為津東過洛汭至于大伾洛汭今鞏縣在河洛合流之所也大伾山今汜水縣即故成臯也山再成曰伾北過絳水至于大陸其絳水今冀州信都大陸澤名今邢

州鉅鹿又北播為九河同為逆河入海是也同合出九河
又合為一名為逆河逆行也言海口有潮汐以迎河水

書曰九河既道孔安國注曰河水分為九道

詩曰關關雎鳩在河之洲

又曰新臺有泚河水瀰瀰

又曰河水洋洋北流活活

又曰誰謂河廣一葦航之誰謂宋遠跂予望之

又曰不敢暴虎不敢馮河

大戴禮曰聖人有國則河不滿溢

禮斗威儀曰君乘土而王其政太平則河濂宋君注曰河不災溢也

傳曰周詩有之曰俟河之清人壽幾何詩濂詩也言人壽促而河清遲喻晉

之不可待也

又曰楚昭王有疾卜河為祟大夫請祭王江漢沮漳楚之望也河非所獲罪

春秋考異郵曰河者水之氣四瀆之精所以流化故曰河潤千里

孝經援神契曰河者水之伯上應天漢

史記曰秦滅六國自以為獲水德之瑞更名河曰德水

漢書曰河有兩源一出葱嶺山一出于闐于闐在南山下

其北流與葱嶺河合東注蒲昌海一名鹽澤

又曰長水校尉高竝言河決率常于平原東郡左右其地

形下而土疏惡也聞禹理河本空此地以為水猥近察秦

漢河決曹衛之域不過百八十里可空此地勿以為官亭民室

張璠漢紀曰郭伋為潁川太守光武詔曰賢能太守去帝城不遠河潤九里冀京城師并蒙其福

魏志曰袁紹渡河沮授臨舟嘆曰上盈其志下務其力功悠黃河吾其濟乎

說苑曰甘茂使齊渡河船久曰河水猶澗耳君不能渡何王之能說乎甘茂曰持楫隨流臣不若子說萬乘之君子不如我

桓譚新語曰大司馬張仲義曰河水濁一石水六斗泥而民競決河漑田令河不通利至三月桃花水至則決以其

噎不泄也可禁民勿復引河

韓詩外傳曰申徒狄非世將自投于河崔加聞而止之曰

聖人民之父母也今為濡足之故不救溺人可乎申徒狄

曰昔桀殺龍逢紂殺比干而亡天下吳殺子胥陳殺泄冶

而滅其國非無聖知不可故也遂負石而沉于河

河圖始開圖曰黃帝問風后曰余欲知河之始開風后曰

河凡有五皆始開乎崑崙之墟

慎子曰西河下龍門其流駛竹箭

抱朴子曰撮壤不能填決河并水不能冷原火

又水膠不能理黃河之濁尺水不能却蕭丘之火

淮南子曰武王伐紂至孟津楊侯之波逆流而擊疾風晦

冥人馬不相見于是武王左操黃鉞右執白旄瞋目而麾
曰余在天下誰敢害余意者於是風濟波罷

又河以委蛇故能遠山以陵遲故能高道以優游故能化
又水九折注海而流不絕者有崑崙之輸也

風俗通曰河播也播為九州也

物理論曰河色黃衆川之流蓋濁之也百里之外一小曲

千里一因曲一直

山海經曰從極之淵深三百仞唯冰夷恒都焉水夷馮夷也淮南子

曰馮夷得道馮夷人面乘兩龍駕雲車

水經注曰禹理洪水觀於河見白面長人魚身出曰吾河

精也授禹河圖而還于淵

又曰昔澹臺子羽齋千金之璧渡河陽侯波起兩蛟挾舟

子羽曰吾可以義求不可以威劫操劍斬蛟蛟死波休乃

投璧于河三投而輒躍出乃毀璧而去示無恠意

又崑崙在北去嵩高五萬里地之中也高萬一千里河水

出其東北

蕭廣濟孝子傳曰三洲人者各一洲人皆孤單亮獨三人

闇會樹下息因相訪問老者曰寧可合為斷金之業邪二

人曰諾即相約為父子因命二人于大澤中作舍且欲成

父曰此不如河邊二人曰諾河邊舍幾成父曰又不如河

中二人復填河二旬不立有一書生過之為縛兩土腕投

河中會父往呼止之曰嘗見河填耶觀汝行耳相將而去

明日俱至河邊望見河中土高丈餘

祥瑞 河附 上堂五

禮記曰河出馬圖言龍馬負圖也

河圖曰黃帝曰余夢見兩龍授圖乃齊往河洛而求有魚折流而止魚汎曰圖跪而授之

運斗樞曰舜與諸侯觀河洛有黃龍負圖出置帝前覆入水而前去覆之遊及又音帶覆去也

拾遺記曰黃河千年一清聖王之大瑞也

易乾鑿度曰帝王將起河水先清清變白白變赤赤變黑黑變黃各三日

中候曰滎光出河休氣四塞滎光即五色

論語曰河不出圖吾已矣夫

沉祭 河附 上堂五

穆天子傳曰天子西狩獵獲白狐玄貉以祭于河

禮記曰三王之祭川也皆先河後海此所以務本言海之本源自河也

史記曰元光中河決于瓠子于是天子臨決河沉白馬玉璧于河令群臣從官自將軍以下皆負薪填決河而取淇園之竹以為堰天子既臨決河悼功之不成乃作瓠子之歌

決塞 河附 上堂五

穀梁傳曰梁山崩壅河三日不流晉君召伯尊伯尊遇輦

者問焉輦者曰君親素縞帥群臣哭之既而祠焉伯尊至
君問之伯尊如其言而河流矣左傳曰伯宗

漢書曰成帝時河決潰金隄凡灌四郡河隄使者王延世
塞以竹落長四丈大九圍盛以小石兩舡夾載而下之三

十六日河隄成改元為河平

又賈誼奏言治河有二十下三策若徒其當水衝之人以

避之放河使北入海汎濫期月自定不勞人力此功一立

河定人安千載無患謂之上策若多穿漕渠使人得以漑

田雖非聖人法然亦救敗術也今據堅地作石隄東西水

門但用木與土耳旱則開東方水門以漑田水則開西方

高門以分河此誠富國安民興利除害謂之中策苟繕完

故堤增卑陪原勞費無已數逢此害謂之最下策也

又武帝元光中河水從頓丘發卒十萬救決河起龍淵宮

武廟也自作之故言宮

呂氏春秋曰故龍門未開呂梁未發河水數孟門大溢逆

流名曰洪水禹乃決江疏河為彭蠡之鄣所治者千八百

國此禹之功

文子曰江河之大溢不過三日

水經注曰漢平帝之世河汴決壞未及得修汴渠東侵日

月彌廣門閭故處皆水中也

漢明帝永平十二年議治汴渠上乃引樂浪人王景問水

形便景陳利害應對敏捷帝甚善之乃賜山海河渠書禹

貢圖及以錢帛發卒數十萬詔景與將作謁者王吳治渠築隄防修塌起自滎陽東至千乘海口千有餘里景乃商度地勢鑿山開澗防遏衝要疏決壅積十里一門水更相迴注無復潰漏之患明年渠成帝親自巡行詔濱河郡國置河堤員吏如西京舊制由是顯名王吳及諸從事者皆增秩一等順帝陽嘉中又自汴河口以東緣河積石爲堰通淮曰金堤靈帝建寧中有增修石門以遏渠口水盛則通注津耗則輟流

淮 上三五

春秋說題辭曰淮出桐栢淮者均也均其務釋名曰淮圍也圍遶揚州北界東至海廣雅同

說文曰淮出南陽平氏桐栢大復山東南水經注及山海經云淮水出南陽平氏縣桐栢山其源初別涌出復潛流三十里然後長驚東北經大復山從義陽郡北過東江夏平春縣北又東過新息縣南期思縣北至原鹿縣南與汝水合又東過廬江安豐縣與決水合東北至九江壽春縣與潁水合壽春縣東北與淝水合又東至當塗縣北與渦水合東北至下邳淮陰縣與泗水合東至廣陵淮浦縣而入海也近海數百里通朝夕潮尚書稱導淮自桐栢東會于泗沂東入于海是也

書曰淮沂其又
又曰泗濱浮磬淮夷蠙珠

周禮曰橘踰淮而北為枳此地氣然也

詩曰率彼淮浦省此徐土

孟子曰禹排淮泗而注之江

焦貢易林曰江河淮海天之與府衆利所聚可以饒有

劉向說苑曰莊周貧往貸于魏文侯文侯曰待吾邑粟之

來而奉之周曰乃今者周之來見道牛蹄中有鮒魚焉大

息謂周曰我尚可活也周曰須我為汝向南詣楚王決江

淮以溉汝鮒魚曰今命在盆甕之中耳乃為我見楚王決

江淮以溉我汝即索我于枯魚之肆矣

晉陽秋曰秦始皇東遊望氣者云五百年後金陵有天子

氣於是始皇改曰秣陵塹北山以絕其勢今建康即秣陵

西北界所塹即建康南淮也今謂之秦淮

淮南子曰夫醉者趨江淮以為尋常之溝也

濟 上堂五

釋名曰濟濟也言源出河北濟河而南也

水經注及山海經云濟水出河東垣縣王屋山初名沅水

風俗通云濟水出常山房子縣贊皇山北又別是一水耳

應氏以為流入濟者非也東出温縣西北始名濟水

孔安國注尚書曰發源為沅流去為濟在温西北平地又

東南流當鞏縣之北而南入河與河並流過大伾成臯成

臯今汜水縣

晉書地道志曰濟自大伾入河與河水闢大伾成臯古成

臯兼包鞏縣之界溢出為滎水東流過陽武及封丘縣又東過宛朐縣南至定陶縣南又東北流與荷水會東至乘氏縣西分為二其一東北流入鉅野澤過壽張西而與汶水合又北過穀城縣西又東北過廬縣北經濟郡東萊郡而入海也尚書稱導沅水東流為濟河水所經也又東北會于汶又北東入于海是也

淮南子曰濟水通河宜麥

風俗通曰濟水出常山房子贊皇山廟在東郡林邑縣濟者齊也齊其度量也

戴延之西征記曰濟水自大岷入河與河水鬪而東流劉向說苑曰四瀆江河淮濟何以視諸侯能蕩滌垢濁焉

能通百川於海焉能蕩出雲雨焉為德甚美故視諸侯周禮冬官曰鸛鶴不踰濟地氣然也左傳曰鄭伯之車債于濟韓子曰清濟濁河足以為限長城巨防足以為塞齊五戰之國也

太平御覽卷第六十二

地部二十七

涇 上平三 渭 上平三 霸 上平三 滹 上平三 豐 上平三 鎬

鎬 上平三 灃 上平三 伊 上平三 洛 上平三 廛 上平三 瀍 上平三

灃 上平三 灃 上平三 灃 上平三 灃 上平三 灃 上平三 灃 上平三

涇 上平五

書禹貢曰涇屬渭汭 屬連屬也汭水也

詩曰涇以渭濁湜湜其沚

傳曰諸侯之大夫從晉侯伐秦以報櫟之役濟涇而次秦

人毒涇上流師人多死 以毒藥投之涇水之上

國語曰恭王遊于涇上密康公從有女奔之其母曰必



致之于王夫獸三為群○日為衆女三為粦粦美之物汝何德以堪之康公弗許一年恭王滅密

史記曰韓聞秦之好與事乃使水工鄭國間說秦令鑿涇水自中山西抵瓠口為渠以溉田

又秦二世夢白虎啣左驂殺之卜涇為祟二世乃齋望夷宮而欲祀之

漢書曰涇書不在大川之祀以近咸陽得比大川之祀

又太始二年趙中大夫白公鄭德曰白姓多謂為相公復秦穿渠

因名白渠民得其饒歌之曰田于何所地陽谷口鄭國在

前白公起後舉鋪為雲扶渠為雨涇水一石其泥數斗且

漑且糞如淳曰水停於河以當糞長我未黍衣食京師億萬之口

益部耆舊傳曰漢武祀甘泉至涇橋有女子浴于涇水乳

長七尺怪遣問之女曰帝後第七車知我時侍中張寬在

第七車對曰天星主祭祀齋戒不潔則女人星見

水經注曰涇水導源安定朝那縣西笄頭山秦始皇巡地

西出笄頭山即是山也蓋大隴之異石

渭 上空五

詩曰我送舅氏于渭之陽

史記曰秦武王三年渭水赤三日昭王十四年又赤三日

洪範五行傳曰赤者火色蓋亦以火沴水也渭水秦大川

也陰陽亂秦用嚴刑敗亂之象

史記曰西伯獨遇太公渭之陽與語大悅

漢書曰武帝元光六年春穿漕渠通渭

山海經曰渭水出鳥鼠同穴山東注河入華陰北鳥鼠同穴今

在隴西首陽縣渭水出其東經南安天水畧陽扶風始平京兆至弘農華陰縣入河也

三輔黃圖曰始皇兼天下都咸陽渭水貫都以象天漢

水經注曰渭水中舊有村留神像此人嘗與魯班語班令

其人出村留曰我貌醜卿善圖物容我不能出班於是拱

手與言曰出頭見我村留乃出首班於是以脚盡地村留

覺之便還沒水故置其像于水中唯背以上立水上

三輔決錄曰項仲山飲馬渭水日與三錢以償之

列子曰夸父逐日渴飲渭水不足乃渴死

淮南子曰渭水多力宜黍

霸上堂五

水經注曰霸者水上地名也水東合澧水過白鹿原至秦

虎圈北入渭

漢書地理志曰霸水出藍田谷古曰滋水秦穆公更名霸

水以彰霸功

漢書曰漢王元年十月至霸上秦王子嬰降

澧上堂五

水經注曰澧水出京兆藍田谷北入于霸

地理志曰澧水出南陵縣之藍田谷西北流與一水合水

出西南莽谷東北流注澧水又北歷藍田川北流注于霸

水又云北至霸陵入霸水也

西京記曰西京東市平準署東隅有放生池分澹水渠自道政坊東城西流注之俗號海地又曰澹水西岸阪舊名澹阪隋文帝惠阪之名改名長樂阪

豐 上堂五

漢書地理志曰滌沮既從澧水攸同顏師古注曰豐水出鄠之南山言沮水既從入渭豐水亦同來也

水經注曰渭水與豐水會短陰山無他高山異壑唯東原阜石墩而已水上舊有便門橋

毛詩文王有聲曰豐水有芑武王豈不仕貽厥孫謀以燕翼子

文子曰老子云豐水之深十仞而不受塵垢金鐵在中形見于外

鎬 上堂五

水經注曰鎬水上承鎬池於昆明池北周武王之所都也故詩云考卜維王宅是鎬京維龜正之武王成之鎬水又北流與滌池合又北經清泠臺西逕慈石門注于渭鄭玄曰豐鎬之間水北流也

澇 上堂五

說文曰澇水出扶風鄠北入渭
山海經曰牛首之山澇水出焉西注于澇水多飛魚

澇 上堂五

字林曰瀉水出杜陵縣

水經注曰瀉水上承皇子陂水逕漸臺東入渭亦名沈水
又名高都水漢王氏五侯大治池宅引高都水入長安城
故百姓歌之曰五侯初起曲陽最怒決壞高都逕連五杜
土山漸臺象西白虎是也

伊 上堂五

水經曰伊水出南陽縣西首渠山

左傳僖中曰初平王東遷也辛有適伊川杜預注曰辛有周大夫也見

被髮而祭于野者曰不及百年此其戎乎

山海經曰獨蘇之山伊水出焉東流注于洛今伊水出上洛廬氏縣熊

耳山東北至河南洛陽縣入洛

戴延之西征記曰伊水上源經新城陸渾二縣男女無少
長皆病瘦俗云水土所致伊水不可飲也

呂氏春秋曰有莘氏女子採桑得嬰兒桑中其母居伊水

上故命之曰伊尹伊尹母化為空桑

洛 上堂五

水經注曰洛水出京兆上洛縣護舉山

地理志曰洛水出冢嶺山

易繫辭曰洛出書聖人則之

易乾鑿度曰王者盛德之應洛水先温九日乃寒五日變
為五色

又帝王將起河洛龍見察其首黑者人正白者地正赤者

天正

禹貢曰導洛自熊耳

在宜陽之西也

東北會于澗瀍

會于河南城南

又東

會于伊

陽之南

又東北入于河

合于鞏之東也

尚書中候曰武王祀璧于河禮畢退至日旰榮光幕河青

雲浮洛

毛詩曰瞻彼洛矣維水泱泱

春秋說題辭曰洛出熊耳山雒之為言繹其燿也

宋均注曰水光

也

國語曰靈王二十二年穀洛鬪將毀王宮王欲壅之太子

晉曰夫山土之聚也藪物之歸也川氣之導也澤水之鍾

也夫水聚于高歸于下今吾執政無乃實有所僻而滑夫

三川之神王卒壅之王室大亂

又曰伊洛竭而夏亡三河竭而商亡

漢書曰武帝穿渠引洛水岸遂崩乃鑿井深四十餘丈往

往為井相通行水

謝承後漢書曰沛國陳宣建武十年雒水出造津城門或

欲築塞之宣諫曰昔王尊正身金堤水退况聖主耶言未

絕而水去

水經注曰昔黃帝之時天大霧三日帝遊洛水之間見大

魚殺五牲以醮之天乃甚雨七日七夜魚流始得圖書

魏畧曰漢火行忌水故洛去水而加佳焉

山海經云秦賈之山洛水出焉東注于河其中有藻玉

述征記曰洛水底有礪石故上無水

灋 上宜五

水經曰灋水出河南穀城縣北東與千金渠合又東過偃師入于洛

澗 上宜五

水經曰澗水出新安縣南白石山東南入于洛

五 輔決錄注云馬氏兄弟五人共居澗穀二水之交作五

門客舍因舍以為名今在河南西四十里以山海經推校

里數不殊仲治所記水會尚有故居之處所則澗水也即

周書所謂我乃卜澗水東是也

穀 上宜五

水經曰穀水出弘農澗池縣南蟠冢林穀陽穀也

山海經曰博山之西有林焉曰蟠冢穀水出焉東流注于

洛其中多瑀玉今穀水出于峭東馬頭山谷陽谷東北流

歷澗池川

韋昭語注曰洛水在南穀水在王城北東入于灋城靈王

時穀水盛出于王城西而南流合于洛兩水相格有似于

關而殺王城西南也

漢沔 上宜五

禹貢曰江漢朝宗于海也

詩曰漢廣德廣所及也文王之化被乎南國美化行乎江

漢之域

又曰滔滔江漢南國之紀

又曰南有喬木不可休息漢有遊女不可求思

左傳曰蔡昭侯為兩珮與兩裘以如楚獻一珮一裘于昭

王子常欲之不與三年止之蔡侯歸及漢執王而呪曰余

所濟漢而南者有若大川

又曰楚國方城以為城漢水以為池

又曰吳師伐郢楚子常濟漢而陣自小別至于大別

蜀志少府王謀等上言前襄陽男子張嘉王休獻玉璽璽

潛漢水於深淵景燭曜璽光徹天

孫巖宋書曰漢中成固縣漢水岸際有異聲如雷俄頃岸

崩有銅鐘十出自潛壤體制既精扣之清響

韓詩曰鄭交甫過漢皋二女妖服珮兩珠交甫與之過言

曰願請子之珮二女解珮與交甫而懷之去十數步探之

則亡矣迴顧二女亦即亡矣

水經注及山海經注云漢水出隴氐道縣嶓冢山初名漾

水東流至武都沮縣始為漢水東南至葭萌與羗水合至

江夏安陸縣名沔水故有漢沔水之名昭王漢又東至

竟陵合滄浪之水即屈原遇又東過三澨水觸大別山南

而入江也庾仲壘漢水記曰漢水出廣漢漾水出隴西東

水相東為滄浪之水過三澨至于大別南入于江東匯澤

為彭蠡東為北江入于海是也匯迴也音胡有反言漢水

至南徐州名為北江而入海

又曰沔水東經萬山北山下有潭中有杜元凱碑元凱好尚後名作兩碑並述已功一碑立現山一碑沉此潭中曰千載之後何知不深谷為陵也

又曰漢東經西城縣故城為鱸湍洪皮漭盪瀟浪雲顏古者舊言有魚奮臂望壽直上至此曝腮因以名經湍焉

又曰漢水經西城縣南又東城為龍泉泉上有胡鼻山石類胡人鼻故也下臨龍井渚泉深數丈

盛弘之荊州記曰沔水隈潭極深先有蛟為害鄧遐為襄陽太守拔劍入水蛟繞其足遐自揮劍截蛟數段流血丹水勇冠當時于後遂除蛟患

又曰荆蘊玉以潤其區漢含珠而清其域。

梁州記曰漢水發源隴西氐道縣之蟠冢山東至夏口合江綿帶四州之域經塗五千餘里謂之沔水

水經曰沔水出武都沮浪谷中注曰一名沮水以其初出沮如然也

淮南子曰漢水重安而宜竹箭

太平御覽卷第六十二

宋本校計共頁

宋本復校

太平御覽卷第六十三

地部二十八

河南諸水

孝水

橐水

涑水

菊花水

滻水

澧水

汝水

潁水

丹水

白水

灌水

潯水

洧水

京水

索水

濮水

隕石水

吕梁水

豪水

汲水

睢水

泗水

洙水

沂水

濰水

汶水

沐水

淄水

澠水

汶水

沐水

淄水

孝水 上卷五

山海經曰平逢山西十里鹿山其陽多瑋瑋之玉俞隨之水出于其隈北流注于穀世謂之孝水也
潘岳西征賦曰澡孝水以濯纓嘉美名之在茲

橐水 上卷五

陝縣圖經曰橐水即魯水也西北入城百姓賴之呼為利人渠是也又按唐師云武德元年陝東道行臺金部郎中長自操自郡東又引水入城以代井汲百姓賴之與上渠俱利于民

涑水 上卷五

十道志曰涑水亦名襄水荆楚之北水駕山而上者皆呼

為襄上也今土人呼涑水上流亦為襄名即無定故陸澄地理記曰襄陽無襄水也又按襄沔記曰中廬有涑水注于沔此水中有物如三四歲小兒膝頭如虎掌爪常沒水中出膝頭示人小兒不知者欲弄之輒便啖人或人有生得者摘其鼻可小小使之名曰水虎

菊花水 上卷五

荊州記曰菊花源傍悉生芳菊被徑浸潭流其滋液水極芳馨谷中有三十餘家不穿井仰飲此水上壽二三百中壽百餘其八十者猶不為壽夫菊能輕身益氣令人久壽此有徵矣又後漢胡廣子伯始為侍中又患風羸南飲此遂瘳焉

澠水

上卷五

傳曰晉陽處父侵蔡楚子上救之與晉夾澠而軍。

水經曰澠水出南陽魯陽縣西之堯山。

張衡南都賦曰爾其川瀆則澠澧灤濇發源巖穴布濩汗

漫漉漾洋溢總括趨欽箭馳風疾。

又曰澠水又東南經昆陽縣故城昔漢光武與王尋王邑

戰昆陽敗走者相騰踐奔殪百餘里會大雨如澍澠川盛

溢虎豹皆股戰士卒爭赴溺死者以萬數水為不流王邑

嚴尤陳茂輕騎皆乘尸而渡

澧水

上卷五

說文曰澧水出南陽緇衡山東入汝

山海經曰葛山澧水出焉澧音禮東流于余澤其中多六足

魚

漢書地理志曰充縣歷山澧水出焉又

離騷云阮有芷兮澧有蘭也又有澧水

王仲宣贈孫文始書云悠悠澧澧是也

汝水

上卷五

說文曰汝水出弘農盧氏還歸山東入淮。

春秋說題辭曰汝出猛山汝之為言女也宋均注曰女取

其生孕也

詩曰汝墳遵化行也文王之化行乎汝墳之國

水經曰汝行河南梁縣勉鄉西天息山注曰地理志云出

高陵山即猛山亦言出魯陽縣之大猛山博物志云出燕
泉山並異名也

東觀漢紀曰從上迎擊王莽二公于陽關漢兵反走還到

汝水上于水岸以手飲水澡頰塵垢謂俊曰今日罷倦甚

諸卿寧憊耶

潁水 上堂五

說文曰潁水出潁川陽城乾山東入淮豫州浸也

水經注曰潁有三源右水出陽乾山之潁谷中水道源少

室左水出少室南谿

漢書曰灌夫潁川人宗族豪橫潁人謠曰潁川清灌氏寧

潁水濁灌氏族

韓子曰鄭人有卜子妻市買鱉歸過潁川以鱉為渴飲之

遂失鱉

呂氏春秋曰湯讓天下於卜隨卜隨自投于潁水

丹水 上堂五

漢書曰高祖入關王陵起兵丹水以歸漢

水經曰丹水出京兆上洛縣冢嶺山至丹水縣入于洧

呂氏春秋曰堯有丹水之戰以服南蠻注曰水出丹魚先

夏至十日夜伺之魚浮水側赤光上照如火網而取之割

其血以塗足可以步行水上長居淵中

尚書逸篇曰堯子不肖舜使居丹淵為諸侯故號曰丹朱

六韜曰堯伐有扈氏戰于丹水之浦

白水 上堂五

水經曰白水出朝陽縣西東流過其縣南至新野縣東入于洧

東觀漢紀記曰光武皇考封南陽之白水鄉

莊子曰兩神女于白水之上禹過趨而問之曰治天下柰

何女曰股無股脛不生毛足胼胝何足以至司馬彪注云金憂天下太

也其

灌水 上堂五

水經注曰灌水經蓼縣褚先生所謂神龜出于江灌之間是也

澗水 上堂五

說文曰澗水出鄭國

水經注曰澗水出鄆城西北鷄洛鳩下東南流入于洧

秦作

詩曰子惠思我褰裳涉澗子不我思豈無他人

又曰澗與洧方渙渙兮士與女方秉簡兮澗洧鄭兩水名簡

孟子曰子產聽鄭國之政以其乘輿濟人于澗洧

洧水 上堂五

說文曰洧水出潁川陽城山東南入潁水經云出密縣馬

嶺山注云洧別源也

詩曰子惠思我褰裳涉洧子不我思豈無他士

傳曰鄭大水龍關于時門之外洧淵時門鄭城門也

京水 上卷五

水經注曰京水發源京縣黃堆山東亦名祝東泉執沸湧
湫臣昂揚湯俗謂之京水也

索水 上卷五

水經注曰索水出京縣西南崇渚與山關水同源分流即
古旃然水也左傳謂楚伐鄭次旃然即此水也
史記曰漢王敗于彭城韓信擊破水兵于京索間以故項
羽不能西

濮水 上卷五

說文曰濮水出東郡濮陽南入鉅野
水經曰鄆子河東北過稟丘縣為濮水

史記曰晉平公令師涓鼓琴未終師曠止之曰亡國之音
也平公曰是何道出答曰此師延所作也昔紂為靡之樂
武王伐紂師延東走自投濮水之中故聞此聲必于濮水
之上先聞此聲者國削問果于濮上得之
莊子釣于濮水楚王使大夫二人先馬曰願以境內為累
莊子持竿不顧也

隕石水 上卷五

水經注曰睢陽有隕石水一名濛溝左傳云隕石于宋五
隕星也故老云此水有時竭涸五石存焉故名隕石水墜
處為澤

呂梁水 上卷五

水經注曰

述征記曰彭城呂縣有呂梁水即莊子所稱丈夫也
列子曰孔子觀呂梁懸水三十仞流沫三十里龜鼉魚鼈
不能游之數百步而出被髮行歌莊子亦載

濠水 上堂五

水經注曰濠水出陰陵縣之陽亭北小屈石穴北注于淮
莊子曾曰莊子與惠子遊于濠梁水上

汧水 上堂五

水經注曰汧水出陰溝至浚儀縣北入睢水注云陰溝即
浪蕩渠也亦言汧受旃然水又云丹沁亂流于武德絕河
入南陽合汧故兼丹水之稱河涕水斷汧承旃然而東自
王賁灌大梁水出縣南而不遙其北夏水洪汎則是瀆津

通故渠即陰溝也於大梁北又曰浚水矣故陳留風俗傳
云浚水延其北者也

睢水 上堂五

漢書曰項羽與漢王戰于靈壁東漢軍大敗睢水為之不
流

地理志曰睢水首受陳留縣浪蕩渠

水經曰睢水首經睢陽縣又東過相縣南流當省縣南入

淮

又曰睢水又東經睢陽縣故城南積而為蓬洪澤也

兖州要記云睢陽水在宋城西

又云漢水經新城南東合明溝水

傳曰睢渙之間出文章天子郊廟御服出焉尚書所謂厥
筐織文者也

泗水 上壹五

說文曰泗水受濟水東入淮

禮曰曾子謂子夏曰吾于爾事夫子于洙泗之間退而老
我西河之上

漢書地理志曰洙泗之水其民涉渡幼者扶老及魯道哀
洙泗之間斷斷如也

論衡曰儒書言孔子葬泗水泗水為之却流此虛也泗水
無知天神使之却流孔子生時何不使之尊敬乎

地理志曰泗水出濟陰乘氏縣又云出卞縣地經言北山

皆為非矣

山海經曰泗水出魯東北余昔因公事公歷徐沈路經洙

泗因令尋其源流水出卞縣故城東南桃墟西北

春秋昭公七年謝恩納季孫之言以孟氏成邑與晉而遷

于桃杜預曰魯國卞縣東南桃墟世謂之曰陶墟舜所陶

處也井曰舜井皆為此也墟有漏澤方一十五里俗西際

阜俗謂之媯亭山蓋有陶墟舜井之言因復有媯亭之名

矣阜則有三石穴廣圓三四尺穴有通否水有盈漏漏則

數夕之中傾陂竭澤矣左右居民識其將漏豫以木障穴

口魚鼈暴鱗不可勝載矣自此連岡通阜西北四十里許

岡之西際便得泗水之源也

博物志曰泗水陪尾蓋斯阜也石穴吐水五泉俱導泉穴各徑尺餘水源南側有一廟栝栢成林時人謂之源泉祠非所究也

又漢景帝三年有白鷄烏與黑烏群鬪于呂縣白鷄烏不勝墮泗水中死者數千

泗水 水經曰泗水

水經曰洙水出漆山蓋縣臨樂山西南至卞縣入于泗注云洙水出漆山而南流盜泉水注云泉出卞城東北卞山之陰

論語考讖曰水名盜泉仲尼不漱

又注曰夫子教于洙泗之間今卞城北二水之申即夫子

領徒之所也

從征記曰洙泗二水交于魯城東北十七里闕里有洙泗牆南北一百二十步東西六十步四門各有石闕北門去洙水百餘步

沂水 上卷五

說文曰沂水出東海費東入泗一曰出秦山蓋青州浸也水經曰沂水出秦山蓋縣艾山注曰鄭玄云出沂山臨沂水有二源南源導世謂之祚泉山北水所發俗所謂魚窮泉俱東南流合成一川

論語曰莫春者春服既成冠者五六人童子六七人浴乎沂風乎舞雩詠而歸

西京雜記曰魯人秋胡娶妻三日而遊宦三年未還其婦
採桑于郊胡至不識而悅之乃遺金鑑妻曰妾夫遊宦未
返于茲三年未有被辱如今日也不顧胡慙而足退至家問
妻何在母曰採桑于郊乃是向來挑者也夫妻俱慙遂赴
沂水而死
尸子曰韓雉見申羊于魯有龍飲于沂韓雉曰吾聞之出
見虎搏之見龍射之今弗射是不行吾聞也遂射之
郡國志云沂水今號為長利圯上有橋即張良為黃石公
取履所

維水 上堂五

慎呂仇

水經注曰維水導源維山許慎云維水出箕屋山

淮南子曰維水出覆舟山蓋廣異名也

史記曰韓信與楚將龍且夾維水而陳于於此信夜令為萬
餘囊盛沙以遏維水引軍擊且偽退且追北信決水水大
至且軍半不得渡遂斬龍且

汶水 上堂五

說文曰汶水出琅邪泰山朱虛東入維又云出泰山萊蕪
西南入濟

從征記曰汶水出萊蕪縣西南流又言自萊蕪谷夾路連
山百數里水黑多行石澗中出草藥松柏林灌綿饒濼崖
壁相望或傾岑岨徑或迴巖絕谷有風鳴條山壑俱響陵
高降深兼喘慄之懼危溪險徑有懸束之艱未出谷十餘

里有別谷在孤山下谷有清泉泉上數丈有石穴二口容人平行入穴丈餘高九尺餘廣四五丈言是昔人居山之處薪爨烟黔猶存谷中林木緻密行人鮮有能至者又有少許山田引灌之蹤尚存出谷有平丘面山傍水土人悉以種麥云此丘不宜殖稷黍而宜麥齊人相承以殖之

詩曰汶水湯湯行人彭彭

周禮曰考功記曰貉踰汶則死地氣然也

論語曰季氏使子騫為費宰子騫曰善為我辭焉如有復

我者則吾必在汶上矣

傳曰齊人歸我汶陽之田

沐水 上五

水經云沐水出琅邪東莞縣西北山東南經東海厚丘縣梁天監二年三月土人張高等五百餘人相率開鑿此溪引漑水田二百餘頃俗名為紅花水東流入泗州連水界

淄水 上五

水經曰淄水出泰山萊蕪縣原山注云世謂之原泉

淮南子曰淄澠之水合易牙嘗而知之 淄澠水也

新序曰齊有田巴先生者行修于內智明于外齊君聞其

賢聘而問政焉田巴對曰政在正身正身之本在于群臣

大王召臣臣改制前飾將造公門問于臣妾曰奚若妾愛

臣將出門問從者畏臣據臨淄水而觀影然後自知醜惡

也今齊之臣妾諫王者非特二人王如臨淄水見已之惡

過而能改斯齊國治矣

灑水 上卷五

水經注曰灑水出營丘城東世謂之漢溱水入于時水
傳曰有酒如灑

前空三行

太平御覽卷第六十三

朱本校計共九頁
宋本復校

太平御覽卷第六十四

地部二十九

河北諸水 上卷三

淇水 上卷三 黃花水 上卷三 洹水 上卷三 清水 上卷三

滏水 上卷三 漳水 上卷三 易水 上卷三 汾水 上卷三

文水 上卷三 澮水 上卷三 晉水 上卷三 媯水 上卷三

沁水 上卷三 鵞漿水 上卷三 石臼水 上卷三 潯沱水 上卷三

衡水 上卷三 白溝水 上卷三 屯氏水 上卷三 鳴犢河水 上卷三

澤潏水 上卷三 窮魚水 上卷三 漏水 上卷三 桑乾河水 上卷三

巨馬河水 上卷三 五渠水 上卷三 金河水 上卷三

淇水 上卷三

說文曰淇水出河內共北山東入河

詩曰苾彼泉水亦流于淇

又曰要我乎上宮送我乎淇之上矣

又曰瞻彼淇澳棗竹猗猗

又曰籊籊竹竿以釣于淇水悠悠檜楫松舟

韓子曰昔紂為甲卒百萬飲馬于淇右飲馬于洹左洹水

竭淇水不流武王甲卒三千破之

隋圖經曰清淇西自魏郡朝歌縣界分為二派一在郡東

一在郡西俱南流入河按酈元注水經云淇水南與清水

合而入白溝石會宿胥皆瀆之名淇又一名王莽河王莽

時所穿也

冀州圖經去河水西從河內郡界入至黎陽而東北至臨
河西至王莽河出焉又東經澶淵東入武陽河南即東郡
界是

水經曰淇水出河內隆慮縣西大號山

山海經曰淇水出沮如山水側頽波瀾注衝激橫山上

合下開可減六七十步巨石礫砢交積隍澗傾瀾莽蕩勢

同雷轉激水散氣暖若霧合

又曰詩云瞻彼淇澳棗竹猗猗毛云棗王芻也竹編竹也

漢武帝塞決河斬淇園之竹木以為用寇恂為河內伐竹

淇川治夫百餘萬以輸軍資今通望淇無復此物唯王芻

編草不異

黃花水

上卷五

隋圖經曰黃花水出隆慮縣西北崖上高十七里去地七里懸水東南注壑巖下狀若雞翅俗謂之雞翅蓋天台赤城之流也至谷潛入地下十里復出名曰柳水者是黃花水重源發也其谷號為黃花谷內有仙母塚谷西有洞穴謂之聖人窟

洹水

上卷五

隋圖經曰洹水出隆慮縣西北俗謂安陽河即聲伯夢涉之所源出林慮山東平地

清水

上卷五

水經曰清水出河內脩武縣之北黑山黑山在縣北白鹿

山東清水所出也上承諸陂散全以成川南流西南屈曲瀑布垂巖懸河注壑二十餘丈聲震山谷左右石壁層深獸跡不交隍中散水霧合視下見底其水歷澗流飛清冷洞觀之清水矣

滏水

上卷五

水經注曰滏水發源出石鼓山南巖下泉奮湧滾滾如湯其水冬溫夏冷崖上有魏世所立銘水上有祠能興雲雨溢水又東流注于漳又謂之合河

若滏水之

佛圖澄別傳曰石虎時自正月不雨澄詣滏口祠稽首曝露即日二白龍降于祠下於是雨遍千里也

山海經曰神國之山滏水出焉東流注于歐水郭璞注曰

溢水在臨水縣西滄山經鄴西北至列人縣入于漳其水

熱順日二世漳水上卷

說文曰濁漳水出上黨長子鹿谷山東入清漳清漳出沾

山大要谷北入河上卷

呂氏春秋曰史起引漳水灌鄴田民初大怨後轉獲利相

與歌曰鄴有聖令曰史公决漳水灌鄴旁終有斥鹵生稻

梁賦漳水上卷

風土記曰南易水本名漳水源出三門山按趙地記云六

國時此水名易水埤倉及水經云洛水其目不知誰改俗

謂山之下地名洛水因經之故曰洛水按燕趙記云其分

有三易漳為南易是也

鄴縣國經曰濁漳水在縣西水東北津有永縣浦浦西五

里俗謂之紫陌河北處即俗巫為河伯娶婦處也

水經注曰清漳水東經沙縣故有沙河之稱

又曰濁漳水出上黨長子縣西發搗山

又曰漳水出鹿谷山與發鳩連麓而在南淮南子曰謂之

發苞山故異名互見山左則陽泉水注之右則散蓋水入

焉三源同出一山但以南北為別耳

尚書曰覃懷底績至于衡漳也孔安國曰衡橫也言漳水橫

流也

易水上卷

孔安國云：宋本另提行

易水

易水

水經曰易水出涿郡固安縣閭鄉西山

燕丹子曰荆軻入秦不擇日發太子送之于易水之上荆

軻起為壽歌曰風蕭蕭兮易水寒壯士一去兮不復還故

固安圖經曰易水又名安國河亦名北易水

汾水 上堂五

說文曰汾水出太原晉陽山西南入河

山海經曰管務之山其山無木而下多草其下多玉汾水

出焉而流注于河

十三州志曰出武周燕之燕京山亦管涔之異名也其山

重阜脩層有草無木泉源導于南麓之下

莊子曰堯治天下之民平海內之政往見四子恭始射之

山汾水之陽窅然喪其天下焉

說苑曰智伯圍趙襄子于晉陽決晉水以灌之晉陽之坡

不沒者三版智伯曰吾始知水之可以亡人國汾水可以

灌安邑絳水可以灌平陽

淮南子曰汾水濛濁而宜麻

水經曰汾水南冠爵津汾名也在介休縣之西南俗謂之

雀鼠谷數十里其間道隘水左右悉結編梁閣道累石就

路縈帶巖側或去水一尺或高五六尺上戴山阜下臨絕

澗俗謂之為魯股橋蓋通古之津溢亦在今之地險

文水 上堂五

水經曰文水出大陵縣西山文谷東北入于汾注云縣西

南山下武氏穿井給養井至幽深後一朝水溢平流東南
注永水

又曰文水又南逕縣右會隱泉水口水出竭泉山之上頂
俗云暘雨愆時是禱故山得其名非所詳也其山石崖絕
險壁立崖半有一石室去地可五十餘丈爰有層松飾巖
列栢綺望唯西側一處得歷級升陟頂上平地一十許頃
沙門釋僧光表建二刹泉發于兩寺之門東流歷石沿注
止下又東津渠隱沒而不恒流故有隱泉之名矣兩澤豐
注則通入文水又南經茲氏縣故城東為父湖東西二十
五里南北三十里世謂之西河在縣直東十五里湖之西側
臨湖

澮水

水經曰澮水出河東絳縣東澮交東高山注云一名詳高
山亦曰河南山西南經翼城北合諸水謂之澮交左傳晉
悼公謀去故絳欲居郇瑕魏獻子曰不如新田有汾澮以
流其惡遂居新田又謂之絳蓋在絳澮之陽又西南過虜
祁宮南入于汾

晉水

水經注曰山海經曰懸甕之山晉水出焉今在縣之西南
昔智伯之遏晉水以灌晉陽其川上源後人踵其遺跡畜
以為沼沼西際山枕水有唐虞叔祠水側有涼臺結飛梁
于水上左右雜樹交陰希見曦景晉川之中最為勝處

媯水 上三五

地記曰河東郡首山之東北山中有二泉水南流者曰媯水北流曰汭水二水西經歷山下異流同歸渾流而注入于河

水經注曰尚書所謂釐降二女于媯汭孔安國曰舜居媯水之汭王肅曰媯汭虞地名皇甫謐曰納二女于媯水之汭馬季長曰水所入曰汭然則汭似非水名今則見有二水異源同歸渾流西注而入于河

沁水 上三五

水經曰沁水出上黨潞縣謁戾山注云沁即洎水也又曰沁水南巡石門石門是晉安平獻王司馬孚之為魏

野王典農中即將之所造也按其表云孚言臣被明詔興河內水利臣既到檢行沁水源出銅堤山屈曲周迴水道九百里自太行以西王屋以東層巘高峻天時霖雨衆谷走水小石漂迸水門朽敗稻田汎濫歲功不成臣輒按行去堰五里以外方石可得數萬餘枚臣以為累方石為門若天旱增堰進水若天霖雨陂澤充溢則閉防斷水空衍勞足以成河雲雨由人經國之謀暫勞永逸聖王所許願可也陛下持出臣表勅大司農府給人工勿使稽延詔書聽許於是夾岸累石結以為門用石代木門矣

鴛漿水 上三五

山海經曰解縣南有壇道山山下有水潛出停而不流俗

為鴛漿水發于上而潛于下厥頂方平有良藥

石曰水上三五

水經注曰漢永平中治潯沱石曰河按司馬彪後漢郡國

志常山南行唐縣有石曰谷蓋資承潯沱之水轉山東之

費自都盧至羊腸倉將憑汾水以漕太原用實秦晉苦役

連年轉運所經凡三百八十九隘死者無筭拜鄧訓為謁

者監護水功訓隱括知其難立言肅宗從之全活數千人

和熹鄧后之父也訓後叔父以為訓積善所致也

潯沱水上三五

禮曰晉人將有事于河必先有事于潯沱沱

隋圖經曰潯沱在深澤縣界光武為赤眉所追至潯沱河

欲渡導吏還乃言水深無艇左右懼上使王霸視之霸恐

驚裝乃言水堅可渡比至河水亦合以布囊沙水上乃渡

未畢數騎冰解今名其處為危渡口是也魏改曰清寧河

此冰常有蛟入五月恒暴變為人於岸上與人並行至懸

岸處推人與之俱下

衡水上三五

信都記曰衡水亦曰長蘆水即濁漳之下流也水有袁潭

渡歷下博城北而逶迤東北注謂之九爭曲水味鹹苦俗

稱苦河謂之黃漳河是也

白溝水上三五

信都記曰白溝河地接館陶界隋煬帝導為冰濟渠亦名

御河南自相州洹水縣界流入又北難河出焉蓋魏時河難所以導利故瀆故此瀆有難之稱矣

屯氏河 上卷五

水經注曰大河故瀆北為屯氏河

漢書曰溝洫志曰自塞宣坊河復北決于館陶分為屯氏河廣深與大河等

鳴犢河水 上卷五

漢書地理志曰河水自靈縣別出為鳴犢河

溝洫志曰元帝永光五年河決清鳴犢河口而屯氏河絕滅

澤發水 上卷五

隋圖經曰澤發水今俗亦名妬女泉大如車輪水色青碧百姓祀之婦人不得艷粧衣新絲臨之必興雨雹故云妬女即介子推妹也

窮魚水 上卷五

竹書記年曰晉荀瑶伐中山取窮魚之丘水經云水出魚山山石若巨魚水發其下

漏水 上卷五

水經曰漏水一名澧水一名鴛鴦水俗謂之北泉源出龍岡縣東南平地以其道源總納衆泉合成一川故也亦謂之鴛鴦水魏都賦所云鴛鴦交谷是也

桑乾河水 上卷五

水經曰桑乾河水替承太原汾陽縣北燕京山天池也天
池亦名大池俗謂之天池在靜樂縣北百四十里注云桑乾河水潛承
燕京之池池在山東之上周迴里餘其水澄停鏡淨潭而
不流若安定朝那之湫池也池內曾無片草及其風籟有
淪輒有小鳥翠色投池啣水若會稽之耘鳥矣

巨馬河水

上卷五

水經注曰巨馬河水即漆水也東北經即山西望衆崖崖競
舉若鳥翼立石巖巖嶺似劍戟之狀又南流經刁山層巖直
上衝霄望崖側若積刀環

五渠水

上卷五

邢子勵記曰後漢魏初文安縣人孫願捕魚于五渠水

中有群魚從西來共以柴塞之忽有人謂願曰須臾當得
大魚若願多求宜勿殺也後願下網果得大魚其狀如鯉
而大頭以為異物遂殺食之俄然風雨晝昏唯聞鳥飛聲
比風息雨霽有人乘船至者云前見群魚無數飛入于海
願遂不復漁矣因呼入海之處為飛魚口也

金河水

上卷五

郡國志曰雲中郡有紫河鎮界內有金河水其泥色紫故
曰金河

太平御覽卷第六十四

宋本校

計共八頁

宋本復校

太平御覽卷第六十五

地部三十 上卷五

關中諸水 上卷一

戲水 上卷二 漆水 上卷二

隴蜀諸水 上卷一

廉水 上卷二 孛山水 上卷二 巴字水 上卷二 縣江水 上卷一

粉水 上卷三 瀘水 上卷二 弱水 上卷三 黑水 上卷二

天柳谷水 上卷二 洸水 上卷三 另提行 馬池水 上卷二

湟水 上卷一

江南諸水 上卷二

沮水 上卷二 漳水 上卷二 雷水 上卷二 鄱陽源水 上卷二



葛溪水上卷三 湓浦水上卷二 甘泉水上卷二 秦淮水上卷二

浙江水上卷二 三江水上卷三 穀江水上卷二 若下水上卷二

雪水上卷二 紫溪水上卷二 公山江水上卷三
另提行

不竭水上卷二 臨水上卷二 靳江水上卷二 資水上卷二

枉水上卷三 沅水上卷三 滄浪水上卷三 湘水上卷一

汨水上卷三 五羨水上卷三 瀰水上卷二 仁水上卷二

慈廡江水上卷二

戲水上卷五

水經注曰戲水出驪山鴻谷北歷戲亭即周幽王死處西
征賦所謂兵敗戲水之上身死驪山之北是也

漆水上卷五

山海經曰榆次之山漆水出焉北流注于渭。

水經注曰漆水出扶風杜陽俞山東北入于渭周大王去

邠渡漆踰梁山止岐下詩云自土沮漆又曰率西水澗至

于岐下

湫水上卷五

史記曰朝那有湫泉即華西名川也蘇林曰泉方四十里

湛然不流冬夏不增減不生草木能興雲致雨每旱民禱

之

周地記曰楊班為姚萇將居黃梁谷其西有小谷由來無
水夜忽有人聲云湫神移徙借車牛有影響至西谷其中
忽有水方二百步其水深淺不測冬夏湛然每水旱百姓

禱福屢應也

魚龍水 上卷五

水經注曰有一水出縣西山人謂之小隴山其水東北流歷澗注以成潭出五色魚俗以為龍而莫敢捕採謂是水為魚龍水

隴蜀諸水 上卷一

廉水 上卷五

宋書曰萬栢年稗潼人宋明帝問曰卿鄉土有貪泉否栢年曰臣梁益之地有廉水讓水不聞有貪泉帝嘉之即拜蜀郡太守一云此水飲之使人廉讓故名之

孱山水 上卷五

華國志曰涪縣有孱山水其源出金銀礦民得採之郡國志云漢有金山縣縣東二百里有一水瀨有碎珠金銀隨波東注傍水居民採以為業

巴字水 上卷五

三巴記曰閬白二水合流自漢中至始寧城下入武陵曲折三曲有如巴字亦曰巴江經峻峽中謂之巴峽即此水也

緜江水 上卷五

遊蜀記曰左緜緜紅三川所尚縣州左緜郡有汙江所染緜紅于此水濯後益鮮故為人之所重

粉水 上卷五

水經注曰越雋粉水道源東流經上粉縣取此水以渴粉則皓曜鮮潔有異常流故縣人因此名為粉水

灑水 上三五

十道記曰灑水出蕃中入黔府歷郡界出拓州至此有灑津關關上有石峯高三千丈四時多瘴氣四月間發人衝之立死非此月則人多悶吐唯三月上伏即無害故諸葛武侯征越雋上疏云五月渡灑深入不毛之地又按地記云今早明道渡所見有武侯道在又按十道記云水浚急而多巉石土人以牛皮為船方涉津澗

弱水 上三五

說文曰弱水自張掖刪丹西至酒泉合黎餘波入于流沙

玄中記曰天下之弱者崑崙之弱水焉鴻毛不能起

黑水 上三五

張掖記曰黑水出縣界鷄山亦名玄圃有娥氏女簡狄浴于玄丘之水即黑水也

大柳谷水 上三五

魏氏春秋曰明帝青龍三年張掖郡刪丹縣金山大柳谷有玄川溢涌寶石焉即魏為晉代之符也

洮水 上三五

漢書地理志曰洮水出西羌中北至枹罕東入河又沙州記云洮水與墊江水俱出強臺山山南為墊江源山東即洮水源也

馬池水 上堂五

關山圖曰隴西神馬山有泉池龍馬所出

水經注曰馬池水出上邽西南六十里謂之龍泉谷因言

神馬出水事故今有馬池之號也源出嶓冢山

湟水 上堂五

漢書地理志曰臨羌縣西北至塞外有西王母石室西海
氏鹽水池北即湟水所出東至允吾入河語湟河亦名樂
都水也縣有土樓山無石而高在縣南又有養女嶺彼羌
多禱而祈女又有牛心堆皆湟水源山名

江南諸水 上堂五

沮水 上堂五

水經曰沮水出漢中房陵縣淮山東南過臨沮縣至被江
縣入于江注云沮陽縣西北景山即荆山之首也山海經
曰金玉是出亦沮水之所導也

漳水 上堂五

山海經曰漳水出臨沮縣東荆山東南過蓼亭又南過章
鄉至枝江縣北入于沮傳曰江漢沮漳楚之望也
王仲宣登樓賦曰夾清漳之通浦倚曲沮之長洲

雷水 上堂五

水經曰南經大雷戍西注大江謂之大雷口一派東南流
入江謂之小雷口也宋鮑明遠登大雷岸與妹書乃此地
又孝子傳云孟宗為雷池監作鮓一器以遺母母不納

豫章圖經曰蜀水在豐城縣北按漢書地理志曰蜀水源出縣內小界山東東流入南昌縣與漳水合耆老傳云仙人許遜為蜀旌陽令有奇術晉末人皆疫癘多往蜀詣遜請救遜與一器水投於上流疾者飲之無不愈也邑人敬其神異故以雷水為名

鄱陽源水 上三五

鄱陽記曰鄱陽源是吳芮所居處鄉人祭之為安祠堂東有石澗深三尺鄉人將牲牢告啓擊鼓三通其水衝出大流隨用並足

葛溪水 上三五

鄱陽記曰葛溪水源出上饒縣靈山西昔歐冶子居其溪

側以此水淬劍傳之于此後有葛玄家焉因名曰葛溪水

湓浦水 上三五

郡國志曰湓浦水有人此處洗銅盆忽水暴漲乃失盆遂投水取之即見一龍銜盆遂奮而出故曰湓浦水也
蕭子顯齊書曰世祖治湓城得尺五寸十一口永明享曆之數也

甘泉水 上三五

九江圖經曰甘泉水在縣南甘泉驛之南其水味甘飲訖又有餘香因以名焉其山即曰甘泉山按州圖經云昔山頂有船拖從頂汭流而下土人亦名為拖下溪桓伊為九江刺史嘗遣左右齎糧尋山之奧冀覩非常乃至一處見

有大湖湖側有敗船當時聞有拖流下甚疑惑後聞有船方驗

秦淮水 上卷五

江寧圖經曰淮水北去縣一里源從宣州東南溧水縣烏刹橋西八百五十里

輿地志云秦始皇巡會稽鑿斷山阜此淮即所鑿也故名秦淮水孫盛晉春秋亦云是秦所鑿王尊令郭璞筮即此

淮也又稱未至方山有直瀆行三十許里以地形論之淮發源詰屈不類人工則始皇掘宜此瀆也

丹陽記云建康有淮源出華山入江徐爰釋問云淮水西北貫都

輿地志云淮水發源于華山在丹湖姑孰之界西北流經建康秣陵二縣之間縈紆京邑之內至于石頭入江懸流三百許里

浙江水 上卷五

山海經曰浙江水出三天子都在率東西北入海餘暨南郭璞注云按地理浙江出黟縣南率東南入海今之浙江是也率即飲耳餘暨縣名

虞喜志林注曰今錢塘江口折山正居江中潮水投山下折而曲一云江有及濤水勢所歸故云浙江史記云江水至會稽山陰為浙江是也

三江水 上卷五

印台見

郡國志曰禹貢三江謂松江下七十里分流東北入海者
江東南流者為東江并松江為三江常昭曰三江謂
吳郡南松江錢塘江浦陽江

虞氏志林云江至彭蠡分為三是即常說為謬按江自太湖出干海屈曲七百里出鱸即吳王玆為王釣者

穀江水 上三五

輿地志曰穀江其水波瀾交錯狀似羅縠之文因以為名

若下水 上三五

輿地志曰南岸曰上若北岸曰下若乃村名也村人取若下水以釀酒醇美勝于雲陽

吳錄曰長城若下酒

張勳七命云荆南烏程即此酒也

霽水 上三五

輿地志曰霽水亦若水之異名也水深不可測俗謂之霽

水 山海經云浮玉之山茗出其陰中多紫魚今亦謂之霽鳥水是也

紫溪水 上三五

吳興記曰邑有文山水東南流為紫溪輿地志云以為水紫色也又云紫溪中央水有赤色盤石長百餘丈望之如霞名曰赤瀨水

公山江水 上三五

郡國志曰公山江水有橋自然泛來行人噉之恣飽則可將志則病

不竭水泉 上五

永嘉地記曰山北有泉衆泉旱竭此泉不乾故名之山來有瀑布泉長數十丈遊者云山頂太湖中有孤巖獨立皆號為孤房

臨水上五

湘州記曰臨水經臨賀縣東又南至郡左以合賀水故有臨賀之稱焉

靳江水上五

湘州記曰靳江水在新東縣西八里水出衡山縣界紫嘉

山東流入湘江二百八十里昔楚大夫靳尚所封之地因以名之

資水上五

湘州記曰資水一名茱萸江承經云資水東北過益陽應劭曰縣左益水之陽今無益水誠資水之殊

郡國志云資水岍有石頭城即吳將周瑜築也

枉水上五

湘州記曰枉山在郡東十七里枉水出焉山西漢溪中有小灣謂之枉渚山上有楚祠存焉

沅水上五

水經曰沅水出牂牁且蘭縣為旁溝水東北至鐘城縣為沅水

又曰沅水之北有奇山山有秀石山上拔綠蘿濛濛頽巖臨水實釣渚漁詠之勝也其迷響若鐘音信為神仙之所居者

滄浪水 上空五

永初山川記曰漢水古為滄浪即漁父所云滄浪之水清奇者今滄浪之水合流出鐘城北界山北蓋後人名之非古滄浪也

湘水 上空五

說文曰湘水出零陵陽海北入江

湘中記曰湘水至清雖深五六丈見底了然石子如樗蒲矣五色鮮明白沙如雪赤岸如朝霞綠竹生焉上葉甚密下踈寥常如有風氣

淮南子曰所謂樂者豈必射釣瀟湘

水經注曰湘水又經南津城西對橘州諺曰昭潭無底橘

洲浮

郡國志云湘水邊有水魚山本名立石山高八十丈濶十里石色黑而重疊每發一重則有自然魚形女人多刻畫為戲長數寸燒之魚骨腥

汨水 上空五

水經注曰汨水西經玉笥山又西為屈潭即汨羅潭是也

屈原懷沙自沉于此故潭以屈為名賈誼史遷皆嘗經此
彌楫泐波投吊于潭

五美水 上卷五

湘中記曰五美水在長沙縣東二十五里光武時有五美
女居于此溪之側後因為名

灘水 上卷五

臨桂圖經曰灘水出縣南二十里柘山之陰西北流至縣
西南合零渠五里始分為二昔秦命御史監史錄自零陵
若渠零陵下灘水是也

郡國志曰後漢伏波將軍馬援開湘水為渠六十里穿慶
城今城南流者是因秦舊濁耳至寶曆初渠道崩舟楫不

通觀察使李渤遂壘石造堤分二水每水置石斗門一使
制之在人開閉開灘水則全入于桂江擁桂江則盡歸于
湘水

脩仁水 上卷五

始興記曰修仁水西南注連水北有三楓亭五渡水齊記
雲為始興太守至修仁水酌而飲之賦詩曰三楓何習習
五渡何悠悠且飲修仁水不挹階邪流

慈廉江水 上卷五

交州記曰慈廉江者昔有李祖仁居此兄弟十人並慈孝
廉讓因此名江

太平御覽卷第六十五 宋本校 計共九頁 宋本復校
 前空三行
 太平御覽卷第六十五
 地部三十一 上四十五
 湖 上五二
 潭 上五七
 廣雅曰湖池也
 說文曰湖大陂也
 史記曰三苗氏左洞庭右彭蠡德義不脩舜滅之此在德不在險
 晉書曰陳訓少學天文孫皓以為奉禁都尉知皓必敗時
 錢塘湖開成言天下當太平青蓋入洛皓以問訓對曰臣
 能望氣不達湖開塞退告友曰青蓋入洛將有異觀銜璧

太平御覽卷第六十六

地部三十一 上四十五

湖 上五二

潭 上五七

廣雅曰湖池也

說文曰湖大陂也

史記曰三苗氏左洞庭右彭蠡德義不脩舜滅之此在德不在險

晉書曰陳訓少學天文孫皓以為奉禁都尉知皓必敗時
錢塘湖開成言天下當太平青蓋入洛皓以問訓對曰臣
能望氣不達湖開塞退告友曰青蓋入洛將有異觀銜璧

之事非吉祥也

宋書曰會稽太守孟顓事佛精懇而為謝靈運所輕嘗謂

顓曰得道應須惠業萊文人生天當在靈運前成佛必在靈

運後顓深恨之會稽東郭有廻踵湖靈運求決以為田顓

堅執不與又求始寧岬嶂湖為田顓又固執靈運謂顓非

存利民正慮決湖多害生命言論毀復與顓遂構雙隙

唐書曰褚無量字弘度杭州鹽官人也幼孤貧厲志好學

家近臨平湖時湖中有龍鬪傾里閉就觀之無量時年十

二讀書晏然不動

風俗通曰吳都曰流瀆四面所限都也周官揚州其浸五

湖按張勃吳錄五湖者太湖之別名以其周行五百餘里

故以五湖為名虞翻又云太湖有五湖或說以太湖射貴湖上

湖洮湖洮湖一名洮湖湖為五湖按國語吳越戰於五

湖直在笠澤一湖中戰耳則知或說非也

隋大業記曰五月夏至前三五日吳郡太湖中白魚向湖

側淺水菰蒲之上產子民得採之隋時貢於洛

揚州記曰太湖一名震澤一名洞庭史記三苗

庭右彭蠡裴翹注云今湖中苞山有名穴其深洞無知其

極者名洞庭彭蠡則無因此穴之名通呼洞庭彭蠡即官

庭湖名也越絕書云太湖荆州記曰宮庭即彭蠡澤也謂之彭澤湖一名匪城湖澤

在預青草湖一名洞庭湖洞庭湖亦謂之雲夢澤一名巴

丘湖凡此並昭昭尤著又廣大也

陳宇宋本
另行

于寶搜神記曰由權縣秦時長水縣始皇時童謠曰城門
有血城當陷後為湖有姬聞之朝往窺門將欲縛之姬言
其故後門將以犬血塗門姬見血走去忽有大水欲沒縣
主簿令幹入白令令曰可忽作魚幹曰明府亦作魚遂淪
為湖

鄭緝之永嘉記曰懷北縣有蔣公湖父老云先代有祭祀
祈請者湖輒下大魚與之

秦州記曰武都郡前有湖義熙初有白龍於湖升天

盛弘之荊州記曰宮亭湖廟神甚有靈驗塗旅經過無不
祈禱能使湖中分風而帆南北

又曰巴陵南有青草湖週圍數百里日月出沒其中湖南

有青草山故因以為名

劉澄之荊州記曰華容縣東南有雲夢澤一名巴丘湖荆
州之藪也

劉澄之豫州記曰陳縣地有芍陂湖魏將王陵與吳將張
休交戰處也

黃閔武陵記曰有湖名為丹陂週圍數百頃青波澄映洲
嶼相望

武昌記曰武昌長湖通江夏有水冬則涸昔時靡所產植
陶太尉立塘以遏水於此常自不竭因取瑯琊郡隔湖魚

菱以著湖內菱甚甘美異於他處所產鮒魚乃長三尺
劉道真錢塘記曰明聖湖在縣南去縣三里父老相傳有

金牛時見神化莫測故以明聖垂名

西京雜記曰顧翔少失父事母母好食雕胡飯常帥子女

躬自採擷還家導水鑿川供養母有盈儲家近太湖湖中

乃生雕胡無復雜草蟲鳥不敢至焉遂得以為養郡縣表

其間舍

江乘地記曰溇湖中有嘉魚美蓐

劉欣期交州記曰有一湖去合浦四十里每陰雨日百姓

見有銅船出水上又有一牛在湖中以鷄酒為祭便大獲

魚若此禮不設唯得牛糞而已

述征記曰柘冲為江州刺史遣人周行廬山冀觀靈異既

陟崇巘有一湖匝生桑樹有白鵠湖中有赤鱗魚使者渴

極欲往飲有群白鱗魚張鬚向之使者不敢飲

南康記曰廬山上有平湖湖中有船音便底在湖浮中動搖

便風雨

鄭緝之東陽記曰北山去郡三十餘里有赤松廟故老相

傳曰其下有居民曰徐公者嘗登嶺至此處見湖水二人

共博於湖間自稱赤松子安期先生有一壺酌酒以飲徐

公公醉而寐其側比醒不復見

劉澄之豫州記曰城父縣有巢湖湖週五里湖中有三山

湖南有四鼎山

戰國策曰秦與荆戰大破之取洞庭五渚

吳地記曰吳王葬女取土成湖

又郡國志云三女墳在郭西云闔閭食蒸魚美半賜三女
三女怨自殺王痛之遂葬於郭西文石為槨金印玉牒銀
罇朱盤悉以送葬

又云盤郢之劍或曰湛廬廬之劍夜飛適楚以水繞墳因名

女墳湖又云葬女時有白鶴舞吳市因入羨門悉化為犬

錢塘記曰去邑十里有詔息湖故老相傳昔秦始皇巡狩

經塗暫憇憇因以詔息為名

周景式廬山記曰山頂有一窮湖湖足赭赭鯉尾鬚皆傷剥

而又有一故扁槽崇山峻遠非舟楫所遊豈深谷為陵而

此物不與丘壑同遷乎

顧微廣州記曰廬山上有湖至甲戌日輒聞山有鼓角聲

劉澄之揚州記曰新城縣東有俱山山上有湖湖中有白

鵝一隻時時飛來不可常見

劉禎禎東記曰龍目湖秦王東游觀地勢云此有天子氣使

赭衣徒鑿湖中長岡使斷因改為舟徒今水北注江也

梁典曰武帝望京峴山盤紆似龍蛭其右為龍目二湖

徐州先賢傳曰句踐滅吳謂范蠡曰吾將與子分國而有

之蠡曰君行令臣行志乃乘扁舟浮五湖而不返

水經注曰武強縣者宿云邑人有行於道見一小蛇疑其

有靈持而養之名曰檐生長而吞噬人里中患之遂捕繫

獄檐生負而奔邑淪為湖縣長及吏咸為魚矣今縣東北

半許里有淵謂之即君淵者宿又言縣淪之日其子東奔

又陷於此故淵得卽君之名矣

神異經曰北方荒外有湖方千里平滿無高下有魚長七

八尺形狀如鯉而目赤晝在湖中夜化為人刺之不入煮

之不死以烏梅二七煮之即熟食之可以愈邪病

又曰北方荒中有石湖方千里無凸凹上直結及下於交反平滿無

高下岸深五尺餘恒冰唯夏至左右五六十日解耳

又曰東南海中烜洲上有溫湖其中唯有鯽魚焉長八尺

食之宜暑而避寒

郡國志曰潤州過陂有湖名龍目湖京口出好酒人習戰

故桓溫云京口土瘠人窶無可戀唯酒可飲兵可用耳

會稽記曰漢順帝永和五年會稽太守馬臻創立鏡湖在

會稽山陰兩縣界築塘蓄水高丈餘田又高海丈餘若水

少則洩湖灌田如水多則開湖洩田中水入海所以無凶

年堤塘周迴五百一十里漑田九千餘頃

又會稽記云創湖之始多淹塚宅有千餘人怨訴於臺臻

遂被刑於市及臺中遣使按鞠忽不見人驗籍皆是先死

亡人之名

又按輿地志云山陰南湖縈帶郊郭白水翠巖牙相映發

有若圖畫

南徐州記曰子英常於芙蓉湖捕魚得赤鯉持歸以穀養

一年遂生兩翅魚云我來迎汝子英騎之即乘風雨騰而

上天故列仙傳云每經數載來歸見妻子魚復來迎如是

數十迴而不返芙蓉湖即射貴湖也又名上湖

吳地記曰臨平湖在臨平山南

吳志曰歸命侯天璽元年吳郡言臨平湖自漢末草穢擁塞今更除平故老相傳云此湖塞天下亂此湖開天下平又湖邊得石函函中有小石青色長四寸廣二寸餘刻上作皇帝字於是改年大赦俄而晉平吳孫盛以為元皇中興之符

歙縣圖經曰篁墩湖在縣西南其湖有蜃常與呂湖蜃鬪程靈銑好勇而善射蜃屢化為人告之曰吾為呂湖蜃所厄君能助吾必厚報束帛練者吾也明日靈銑彎弧助之正中後蜃不知所之後人名其處為蜃灘時有一道人詣

靈銑毋求食食訖曰勞毋設食今當為求善墓地使毋隨行上山以白石識其地曰葬此可以暴貴矣靈銑因移父葬其所侯景亂靈銑率郡鄉萬餘衆保新安因隨陳武帝有奇功及陳武受梁禪靈銑以佐命功臣與周文昱侯安都為三傑按靈銑宅在湖東二里

徐爰釋問曰玄武湖木桑泊晉元帝創為北湖宋以律冊詩。

京都記云從北望鍾山似宮亭湖望廬岳齊武帝理水軍於此中號曰昆明池故沈紉登覆舟山詩云南瞻儲胥館北望昆明池即此爾未嘉末有龍見於湖內故改為玄武湖

豫章記曰擔石湖在州東北其湖水中
有雨石山有孔如人穿擔石故老云壯士
擔此雨石置湖中因以為名
輿地志曰安城有密湖中有絲蓴鯽魚為
時所重并有石窟容百人坐其魚味甘如
蜜因此為名在縣東二十里
淮南子曰夫歷陽之都一夕化而為湖勇
力聖智與不肯者同命無遺脫也

荆南志曰高沙湖在枚廻洲上翠澤平
晶胡了水陸彌曠芰荷殷生鱗羽滋阜
湖南林野清曠可以栖託故徵士宗炳
昔常家焉北有小水自湖通江謂之曾口
是也渚宮舊事云江陵城西二十里高沙
湖其中多湖魚又曰五葉湖昔湖側有主
人張披五葉同居因以為名

九江記曰彭蠡湖在潯陽縣東南與都昌縣分界湖心有
大孤山案

郡國志云彭蠡湖週迴四百五十里內有石高數十丈大
禹刻其石以記功焉又有乞烏隨船行舟人擲飯接之高
下不失一粒今此烏泝江靈廟多有不獨在彭蠡湖爾
郡國志曰鶴門湖者陶侃微時喪母忽有二客來吊化為雙白
鶴飛去後因以為名

丹陽記曰吳孫皓寶鼎元年丹陽縣宣騫之毋年八十浴
於後湖化為鼃後湖為為練湖在縣北有
輿地志曰曲阿出名酒皆云後湖水所釀故醇烈也今按
湖水上承丹徒陳驪覆船上馬林溪水白味色甘

輿地志 卷六十六
練塘陳敏所立過高陵水以後為後湖

語林曰褚公遊曲阿後湖狂風忽起船傾褚公已醉乃曰

此舫人背無可以招天譴者唯有孫興公多塵滓正當以

厭天欲耳便欲捉孫擲水中孫懼無計唯大呼曰季野卿

念我褚公褚彦回也季野彦回字也

伏滔登故臺詩序曰夫差始蘇臺東有丹湖萬頃內有金

銀塘

方輿記曰銅船湖馬援鑄銅船五隻一留此湖中四隻將

過海征林邑

潭王堂五

幽明錄曰碩縣下有眩潭以視之眩人眼因以為名傍有

田陂昔有人舡行過此陂見一死蛟在陂上不得下無何

見一人長壯烏衣立於岸側語行人云吾昨下陂不過而

死可為報眩潭行人曰眩潭無人云何可報烏衣人云但

至潭便大言之行人如其言須臾潭中有號泣聲

又曰晉元熙中桂陽郡有一老翁常以釣為業後清晨出

釣遇大魚食餌掣綸甚急船人奄然俱沒家人尋喪於釣

所見老翁及魚並死為釣綸所纏魚腹下有丹字文曰我

聞魯潭樂故從擔潭來磔死弊老翁持釣數見欺好食赤

鯉鱸今日得汝為

荆州圖記曰武當縣西北六里江中名恨子潭潭中有石

磧洲長六十丈世傳恨子未嘗從父命臨終欲葬山上故

謬曰葬我水中恨子唯從此命習鑿齒記云恨子是漢時人家在山東五女徼

鄧德明南康記曰梓潭有梓樹洪直巨圍葉廣丈餘垂柯數敏

又曰賴潭在郡下昔有長者於此潭以釣為事恒作漁父

歌其聲慷慨忽綸動須臾一物形似小水牛眼光如鏡或

言水犀浮躍逐綸角帶金縹釣客因引得縹出水數十丈

縹斷餘數丈盡是珍寶

羅浮山記曰牛潭深洞無極北岸有石周圍三丈許漁人

見牛自水而出盤於此石

抱朴子曰昔石頭水有大龜常在潭中因名此為龜潭能

作魅行病於人吳有道士戴昞者乃以越章封泥遍投潭

水中良久有大龜徑長丈餘浮出不敢動乃格殺之而病

人並愈又有小龜出羅列死於水渚甚多

南康記曰梓潭山在雩都縣之東南六十九里其山有大

梓樹吳王令都尉蕭武代為龍舟艦斫成而牽引不動占

云須童男女數十人為歌樂乃當得下依其言以童男女

牽拽艦沒于潭中男女皆溺其後每天晴朗淨髮髯若見

人船焉夜宿潭邊或聞歌唱之聲因號梓潭焉

郵陽記曰懷蛟水一名孝經潭在縣南二百步江中流石

際有潭往往有蛟浮出時傷人焉每至五月五日鄉人於

此江水以船競渡俗云為屈原攘災承前郡守縣綵以賞

之刺史張栖真以人之行莫大於孝懸孝經標竿上之而
人之勸倍號為懷蛟水或曰孝經潭
湘州記曰益陽有昭潭其下無底湘水最深處也或謂周
昭王南征不復沒於此潭以為名

太平御覽卷第六十六

宋本校 計共九頁 宋本復校

前空三行

太平御覽卷第六十七
地部三十二

池

谿 上空三 另提行

壑 上空二 另提行

池 上空五

廣雅曰沼池也

說文曰隍城池也有水曰池無水曰隍

詩曰東門之池可以漚麻

又曰王在靈沼於物魚躍 沼池也物滿也箋云靈沼之水魚盈滿其中皆飛躍言亦得其

也所

韓詩外傳曰齊景公出弋昭華之池

傳曰齊伐楚楚子使屈完對曰楚國方城以為城隍水以

此與二百六十一所引有異疑又一本也

為池齊雖衆無所用之

史記對禪書曰秦始皇遊海上祠名山大川及八神仙人

羨門之屬八神一曰天齊祠天齊天池名臨南郊山

漢書曰昆明池漢武帝元狩三年所穿也初漢欲求身毒

國為昆明池夷所閉昆名有滇池方三百里名曰滇河漢

將伐昆明以通身毒使謫卒伐棘上林象滇河作昆明池

以習水戰池周迴四十里漢武帝平昆明以其地為益州

似倒流故曰滇河潘岳關中記曰昆明池漢武帝習水戰

也中有靈沼神池云堯時理水訖停解此池蓋堯時已有

汚池漢伐因而深廣耳曹毗志怪云漢武鑿昆明也深極

以知是灰黑無復土李朝不解以問東野朔朔曰臣愚不足

帝時外國道人入來洛陽時有憶方朔言者乃試以武帝

又曰昭帝元始元年春三月黃鵠下建昌宮太液池

又曰宣帝詔曰池籟未御幸者蘇林曰折竹以繩綿連若

假與貧民郡國宮館勿復脩治禁籟使人不得往來也

又曰宣帝神爵元年詔曰金芝生于涵德殿銅池中銅作

魏志曰太祖還鄴作玄武池以肄舟師

晉書曰山簡優遊卒歲唯酒是耽諸習氏荆土豪族有家

園池簡每出嬉遊多之池上置酒眠醉名之曰高陽池時

有童兒歌曰山公出何許往至高陽池日夕倒載歸酩酊

無所知時時能騎馬倒着白接羅舉鞭向葛疆何如并州

兒疆家在并州簡愛將也

又曰荀勗父在中書專管機事失之甚快快或有賀之者

勛曰奪我鳳凰池諸君賀我耶

後魏書曰文明皇太后馮氏與高祖幸靈泉池醮群臣太后忻然歌高祖亦和歌歌者九十人

唐書曰蔣鎮為諫議大夫時戶部侍郎判度支韓滉上言河中鹽池生瑞鹽實出德之上瑞上以秋霖稍多水潦為

患不宜生瑞命鎮馳驛檢按之鎮奏與滉同仍上表賀請宣付史館并請置神祠錫其號寶應靈慶池

又曰文宗用鄭注言即命左右神策軍差入淘曲江昆明二池仍許公卿士大夫之家於江頭立亭館以時追賞

遁甲開山圖榮氏解曰降北有陽石山中有神龍池黃帝時遣雲陽先生養龍於此帝王歷代養龍之處國有水旱

不時祀池請雨

晉宮閣名曰靈芝池廣長百五十步深二丈上有連樓飛觀四出閣道釣臺中有鳴鶴舟指南舟

袁山松宜都記曰佷山縣東六十里有山名下魚城四面絕崖唯兩道可通皆峻嶮山上周迴可二十里有林池水

民田種於山上昔永嘉亂土人登此避賊賊守之經年食盡取池魚擲下與之禾不窮賊遂退散因名此為下魚城

辛氏三秦記曰昆明池通白鹿源入釣魚綸絕而去裏於漢武求去其鈎明日遊於池見大魚噬鈎帝去其鈎而逝

又間三月帝復遊池濱得明珠一雙武帝曰豈昔魚之報也

湘州記曰湘南縣有架山下有小池常涸民齋戒往請自
然而滿事訖還乾

雷次宗豫章記曰去洪井六七里有風雨池山橋水出激
着樹木星散遠灑如風雨焉

襄陽記曰峴山南有石季倫習都大魚池依范蠡養魚法

當中築一釣臺季倫將亡勅其兒曰必葬我近魚池山季
倫每臨此輒大醉而歸

臨川記曰崇仁縣有鹹池按陳書司空黃法蕪音字仲昭

崇仁縣巴山人也侯景亂法蕪於鄉里聚徒以助高祖有

功薨墓在崇仁縣巴山音故老相傳法蕪有奇術常歆變

置鹹池於家山之下幅圓六十餘畝至今水味獨鹹於他

水而湛然清濁禽畜不敢觸之

西京雜記曰梁孝王好宮室苑囿之樂作曜華之宮築兔

園園中有靈山山安膚寸石又鴈池池中鶴洲鳧渚奇果

異樹珍禽怪獸畢備王日與宮人及賓客弋釣其中

又曰積草池中有珊瑚樹高一丈二尺一云三柯上四百

六十二條是越國王趙化所進號為烽火樹至夜光景照

焉

述征記曰廣陽門北有魏明帝流杯池

穆天子傳曰天子西征于玄池天子三日休於玄池之上

天子乃樹之竹種竹池邊是曰竹林

又曰天子觴西王母于瑤池上西王母為天子謠巨輔故

事曰漢武帝作昆明池武帝崩後於池中養魚以給諸陵祠餘付長安市池有二石人如牽牛織女像

又曰未央宮西有食池池中有臺王莽死於是焉

廣州先賢傳曰丁密字靖公蒼梧人父艱泣血三年飛鳧

一雙遊密廬傍小池

郡國志曰晉州臨汾縣臭水池不畜不飲一名馮鑊池即

煮眉間赤頭處鑊翻因城池今水上猶有脂潤

又曰成都郡秦惠王二十七年使張儀築以象咸陽沃野

千里號曰陸海有萬歲池是築城取土處

又曰合浦海曲出珠號曰珠池又有夷人號越邑多採用

香為業春秋曰衛靈公天寒鑿池宛春諫曰天寒公曰天寒乎宛春曰公衣狐裘坐熊席取陽有竈是以不寒

淮南子曰陰氣極則下至黃泉故不可鑿金池穿井

世說曰晉明帝欲作池臺元帝不許之明帝為太子養武

士一夕中作池曉便成既今謂太子池是也

又曰太原王國寶治宅因浚池忽見一物如酒杓形長四

尺許飛去

水經注曰隴西神馬山有淵池龍馬所生即是水西流謂

之馬池

又曰蔡州西即蔡倫故宅傍有蔡子池倫漢黃門郎順帝

之世始搆故魚網為紙用代簡素自其始也

又曰滇池中有神馬家馬交之則生駿駒日行五百里

顧子曰與子華遊於東地子華曰水有四德池為一焉沐

浴群生流澤萬世仁也揚清激濁盪滌塵穢義也弱而難

勝勇也導江疏河變盈流謙智也顧子曰我得汝於池上矣

方輿記曰興元府南鄭縣天池山上有池方二十里冬夏不竭久飲之可愈痼疾故號天池

又曰梅福池一名風雨池梅福種蓮池福嘆曰生為我酷身為桎梏形為我辱智為我毒於是棄南昌尉去妻子

入洪崖山得道為神仙代代有人見或山在筍上逢之今西山有梅君壇南昌開元觀有梅君堂焉

又曰明月池在興道縣西北中有一臺云是漢高所營水經注云形如偃月故號明月池

又曰七女池昔有人無男而養七女父亡七女負土葬父

取土之處今成一池號曰七女池邊又有七女塚

呂氏春秋曰衛靈公天寒鑿池死春諫曰天寒公曰天寒乎死春曰公衣狐裘坐熊席陲隅有灶是以不寒

淮南子曰陰氣極則下至黃泉故不可鑿池穿井

尚書大傳曰呂尚釣於磻谿得魚腹中有玉璜

春秋說題辭曰谿者隱也深虛繞山令得博已宋均曰無水無谷有

水曰谿

爾雅曰水注川曰谿

桓彞別傳曰彞字茂倫明帝世彞與當時英彥名德庾亮温嶠羊曼等共集清谿池上郭璞預焉乃援筆屬詩以白

四賢并自序

武昌記曰樊山東有山谿夏時凜凜恒有寒氣故為之寒

谿

王韶之始興記曰連水下流有斟谿一日十溢十竭

盛弘之荊州記曰酈縣北五十里有菊谿源出石澗山有

甘菊村人食此水多壽

又曰零陵郡西有渡谿山獸從數十里往飲之經越他水

皆不飲傍有半石坑上石形極方峭名為仙人樓

又曰桂陽郡橫谿水甚深冬夏不乾俗謂之貪泉也

又曰郡西南五十里有萬歲山有石窟出鍾乳山上悉生

靈壽木下有一谿名為千秋水其傍有居民即號萬歲村

管子曰桓公征北孤竹迴未至卑耳之谿援弓而射未敢

發謂左右曰見前人乎對曰不見公曰寡人見人長尺而

人物具焉管仲曰臣聞霸王之君興而登山神見公拜曰

仲父之聖若此

俗說曰郝僧施青谿仲汎舟一曲處輒作一篇詩謝益壽

見詩嘆曰青谿中曲何可窮

水經注曰碯谿即太公釣所也石高深泉邃密林障秀阻

亦人罕交東南隔有石室蓋太公所居也水次平石即太

公垂釣之處也其水清冷神異北流注于渭

又曰長陽谿源右穴中有神魚大者二尺小者一尺
居民釣魚先陳所須多少拜而請之拜訖投釣得魚過數
者水輒波涌暴風卒起樹木摧折水側生異花路人欲是
者皆當先請不得輒取

又曰白馬谿水出宜陽山有大石厥狀似馬故谿以物色
受名也

水經注曰向城有水二源俱北流合為一川名為天漿谿
也

又曰閩中有徐登者女子化為丈夫與東陽趙炳並善越
方時遭兵亂相遇於谿各矜其所能登先禁谿水為不流
炳次禁枯柳為生稊二人相視而笑登年長炳師事之後

登身故昞東入章安百姓未知昞乃升茅屋楮冉而襲主人驚怪昞笑而不應屋亦不損又增臨水求渡船人不許昞乃張蓋坐中長嘯呼風亂流而渰於是百姓神服從者如歸市

水經注曰山陰縣西南四十里有二谿東谿廣一丈九尺冬暖夏冷西谿廣三丈五尺冬冷夏暖二谿北出行三里至徐村合成一谿廣五丈餘而溫涼不雜蓋山經所謂茗水也

又曰胸臆縣有龜溪出靈龜咸熙元年獻龜於相府言出自此溪也

郡國志曰豫州吳房縣吳王闔閭之第夫築王朝楚楚封

之於堂溪

郡國志曰王昭君姊歸人也有香溪即昭君每常遊翫之

處

又曰資陽縣有環溪百丈池所謂溪流如環其池深百尺

也

又曰陵陽山在石碓縣北三里按輿地志云陵陽令竇子明於溪側釣魚一日釣得白龍子明憐而放之後數年又釣得一白魚割其腹中乃有書教子明燒鍊食餌之術三年後白龍來迎子明遂得上昇其溪環逸山足今有仙壇醮祭不絕

信州圖經曰師溪水源出黃蘗山北面在弋陽縣東南一

百一十餘里昔有隱士胡趨起居於此處衆人師之故名師

溪

越絕書曰薛燭越王曰若耶之溪酒而出銅也古歐冶子

鑄劍之所故戰國策云酒若耶以取銅破董山而以出錫

焉

郡國志曰歐冶子鑄劍之處下有孤潭深而清有孤石聳

出潭上有大欒樹謝客兒與弟惠連作詩連句屢屢刻於樹

上

吳興記曰前溪在縣南東流入太湖謂之風渚夾溪悉生

箭箬後溪在市北東出餘不亭晉車騎將軍沈亮亮作前溪

歌曲傳者以為指此溪也



裴

廣州記曰百管溪周迴丈餘水極沸涌如猛火煎油聲

臨海圖經曰銅溪在縣西北五十里其水黃色狀似銅故

號銅溪也。

孫興公天台山賦云過靈溪而一躍是也

善歌錄曰武溪水源出武山東南流注于溪故為歌曰武

溪深復深飛鳥不能渡遊獸不能臨

又曰下潦上霧看飛鳥墮水中即此也

壑 上三五

周易略例曰隆墀求歎遠壑必盈

禮記曰大蜡之祭辭曰土及其宅水歸其壑

山海經曰東海之水有大壑

列子曰渤海之東不知幾億萬里有大壑實惟無底之谷

曰歸墟

莊子曰夫壑之為物注焉而不滿取焉而不竭

又曰藏舟於壑藏山於澤謂之固矣然則夜半有力者負

之而趨昧者不知

孟子曰志士不忘在溝壑

太平御覽卷第六十八

地部三十三

水

上堂五

潮

上堂三 另提行

川

上堂三 另提行

說文曰水水堅也澌流水也

易曰初六履霜堅冰陰始凝也馴至其道至堅冰也

又曰乾為寒為冰

易通卦驗曰太雪魚負冰鄭玄注曰負冰上近冰也

詩曰二之日鑿冰冲冲鑿冰聲也三之日納于凌陰

周禮曰凌人掌冰祭祀共冰鑑鑑如鏡也賓客供水

大喪供夷盤冰夷盤大盤也夏班冰賜也

又曰凌人掌冰正歲十有二月令斬冰三其凌三其凌三倍其冰禮曰孟冬之月水始冰地始凍仲冬之月冰益壯地始坼鳥鷓且鳴虎始交

又曰立春之日東風解凍又五日蟄蟲始振又五日魚上冰風不解凍號令不行魚不上冰兵甲不藏

傳曰楚子使蒍子馮為令尹遂以疾辭方暑闕地下水而牀焉重蠶衣裘蠶袍也禮王藻曰蠶為蠶緇為袍鮮食而寢楚子使醫視

之復曰病則甚矣而血氣未動

又曰春無冰梓慎曰今茲宋鄭其餓乎陰不勝陽也

又曰日在北陸而藏冰西陸朝覲而出之其藏冰也深山窮谷固陰沍寒於是乎取之其出之朝也其祿位賔食喪

祭於是乎用之其藏之也黑牡秬黍以享司寒其出之也

桃弧棘矢以除其災祭司寒而藏之獻羔而啓之火出而

畢賦自命夫命婦至於老疾無不受冰帑人取之縣人傳

之與人納之隸人藏之夫冰以風壯而以風出而藏之也

用而周之也備則冬無愆陽夏無伏陰春無凄風秋無苦

雨人不夫割

孝經援神契曰高山之巔無樹深海之淵無水剛太燥温

太柔也

家語曰霜降而婦功成娶者行季秋冰泮而農乘起婚禮

而殺焉

史記曰姜原為帝嚳元妃出里見巨人跡悅欲踐之踐而

身動如孕期而生子以為不祥棄渠水上飛鳥以翼覆薦之

薛瑩後漢書曰靈帝光和六年冬北海東萊琅琊井冰厚丈餘

又曰光武至蘇上王即使者至上發薊農夜馳鴛至曲陽

滹沱河道吏還言河流漸無船不可渡遣王霸往視實然

霸念恐驚眾即還曰冰堅可渡比至冰可乘帝遂得渡

漢書曰晁錯正書曰夫胡貉之地積陰之處也木皮三寸

冰厚六尺

臧榮緒晉書曰王祥字休徵後母朱氏思生魚時河水冰

堅祥朝朝冒厲風於河澹伺魚一朝忽冰開小穴有雙鯉

跳出

王隱晉書曰慕容皝上言正月十二日征平郭遠假陛下

天地之威將士竭命精誠感靈海為冰結凌行海中三百

餘里臣聞故老云初無海水之歲平郭蓋近昌黎城也

北齊書曰文宣時周人常懼齊兵之西渡恒以冬月守河

推冰及後主即位朝政多紊齊人推兵懼周兵之逼斛律

光憂曰國家常有吞關隴之志今日至此

東方朔神異經曰北方有冰萬里冰厚百丈鼯鼠在冰下

土中焉其毛長八尺可為褥却風寒

王子年拾遺錄曰東海負嶠山有冰蠶長七寸有鱗角以

霜雪覆之始為繭其色五綵織為紋錦入水不濡投火不

燎

南燕錄曰慕容德正月渡黎津流澌水合鄴令韓軌言於

德曰昔光武渡滹沱水漸自合今大王濟河天橋自成德

乃大悅

異苑曰石勒伐劉曜於洛陽從大河南濟時河凍將合軍

至而冰自泮舟楫無閔遂生擒曜謂是神靈之助

又曰高平平丘孝婦以元嘉中懷娠生一團冰得日便消

液成冰也

吳越春秋曰越志念復吳怨非一旦也若思勞心夜以接

日冬寒則抱冰夏熱則握火

趙書曰劉曜攻石勒將戰曜欲乘醉乘大赤馬無故蹠躅

不可追於是退赤馬及谷陣敗走曜體素壯馬小不勝陷

冰為石堪所擒也

博物志曰削冰令員舉以向日艾承其影則有火

兩京雜記曰漢制以酒滴為書取其不冰以玉為硯亦取

其不冰也

陸機洛陽記曰冰室在宣陽門內恒有冰天子用賜王公

衆官

戴延之西征記曰凌雲臺有水井延之以六月持去經日

猶堅也

述征記曰水井在凌雲臺北古舊藏冰處

鄧析書曰明君之御民若乘奔而去轡履水而負重

晏子曰景公伐魯得東門無澤問之魯年穀何如對曰陰
水凝陽冰厚五寸晏子曰如是則寒溫節也寒溫節則政
平政平則年穀熟請禮魯以息怨也

老子曰渙若冰將釋

莊子曰夏蟲不可以語於冰者篤於時也曲士不可以語
於道者束於教也

又曰朝受命而夕飲冰我其內熱歟

孫卿子曰冰生於水而寒與水

淮南子曰淮海有不死之草北方有不釋之冰

又曰夫水向冬則凝而為冰迎春則釋而為水冰弛易乎

前後

又曰知一葉之落知歲將暮觀瓶中之冰而知天下之寒
以近諭遠也

論衡曰夫燠一炬火燠一鑊水終日而不熱也倚一尺冰
置庖厨中終夜而不寒也

風俗通曰積冰曰凌壯冰曰凍水流曰澌冰解曰泮

魏子曰居危殆之國治不善之民是猶薄冰當白日襲毛

過猛火也

抱朴子曰五玉不染而堅寒冰不礪而飭

又曰躡薄冰以待夏日登朽枝而須勁風

新論曰畫水鑊水與時消釋

潮水

上五五

說文曰潮朝也從水朝

風土記曰俗說鯤一名海鱸長數千里穴居海底入穴則

水溢為潮出穴則水入潮退出入有節潮水有期

祖台之志怪曰隆安中陳悝於江邊作魚笮正匪切潮去於

笮中得一女人長六尺有容色無衣服水去不能動卧沙

中與語不應人有就辱之悝夜夢云我是江黃昨失道落

君笮小人遂見加凌今當白尊神殺之悝不敢移潮來自

隨水去奸者尋病死

吳越春秋曰吳賜子胥劍而死乃投之江中子胥因揚波

或濤隨潮往來

博物志曰東海中有牛魚其魚形如牛剥去皮懸之潮水

至則毛起潮去則毛復也

臨海異物志曰石鷄清響以應潮慧軀輕遊以遠繫石鷄形似

家鷄在海中山上海潮水將至輒鳴相應若家鷄之向晨也

裴淵廣州記曰石洲在海中名為黃山山北日一潮山南

日再潮

抱朴子曰糜氏云潮者據朝來也言夕至也一月之中天

再東再西故潮水再大再小也又夏時日居南宿陰消陽

盛而天高一萬五千里故夏潮大也冬時日居北宿陰盛

陽消而天卑一萬五千里故冬潮小也又春日居春宿天

高一萬五千里故春潮漸起也秋日居西宿天卑一萬五

千里故秋潮漸減也

又曰天河從北極分為兩頭至於南極其一經南斗中過其一經東斗中過兩河隨天轉入地下過而與下水相得又與與海水合三水相蕩而天轉排之故激涌而成潮水又曰濤水者潮取物多者其力盛來速者其勢大合湘水從東地廣道遠乍入狹彪陵山觸岸從直赴曲其世不泄故隆崇涌起而為濤俗人云濤是伍子胥所作妄也子胥始死耳天地開闢已有濤水矣

水經載州川

上卷五

說文曰川貫穿通流水也

釋名曰川者穿地而流也

易曰地險山川丘陵也王公設險以守其國

又曰利涉大川

書曰予決九川距四海王肅曰九川者九州之川也

又曰若涉大川用汝作舟楫

又曰九山刊旅九川滌源

禮曰天降時雨山川出雲

周禮曰揚州其川三江荊州其川江漢豫州其川滎洛青

州其川淮泗兖州其川河沛雍州其川涇汭幽州其川河

濟冀州其川衡漳并州其川滹沱

又曰兩山之間必有川焉大川之間必有途焉

大戴禮曰聖人有國則川澤不竭

蔡邕月令章句曰衆流注海曰川

國語曰幽王二年三川皆震

又曰厲王震國人謗王鄭公告王曰民不堪命矣王怒得
衛巫使監謗者以告則殺之國莫敢言道路以自王喜告
鄭公曰吾能彌謗矣乃不敢言鄭公曰是鄭之也防民之
口甚於防川川壅而潰傷人必多民亦如之是故為川決
之使導為民宣之使言

語曰子在川上曰逝者如斯夫不舍晝夜

竹書記年曰藍田川有漢臨江王榮塚景帝以罪徵之將
行榮於江陵北門車軸折父老泣曰吾王不返矣榮至都
中尉郵都急切責王王年少恐而自殺葬於是川有鸛數
萬衛土置塚上百姓憐之

水經注曰龍魚川澤漲不測出五色雲俗以為靈而莫敢
採捕因謂是水為龍魚水亦謂之龍魚川也

又曰祥川者漢戚夫人所生處也高祖得而寵之改其地
為祥川因表夫人載誕之休祥也

秦州記曰抱罕原地有鳳林川中有黃河水東流

莊子曰昔者禹之導洪水決江河而道四夷九州名川三
百支川三千小者無數

方輿記曰清涼川在興道縣北

唐史云德宗皇帝以朱泚之難幸梁洋中書舍人齊映從
駕陞北以見旌旗蔽野上心駭謂泚之追兵疾路至此見
梁師嚴震具軍容拜馬前叙君臣離亂流涕久之上喜令

震登馬與朕作主人映曰嚴震與至尊尊馬御膳自有所
司頃之上次洋州行宮召映責以儒生不達兵機烟塵時
務姑息主帥映奏曰山南士庶只知有嚴震不知有陛下
且今天威親臨令巴蜀士民知天子之尊亦足以盡嚴震
為臣子之節上歎之良久震聞特拜謝映時議多之即此
川也

太平御覽卷第六十八

宋本校

計共七頁

宋本復校

太平御覽卷第六十九

一 地部三十四

澗

洲

上空四

湍

上空四

灘

上空四

澗

上空五

釋名曰澗者言在兩山間也

詩曰秩秩斯于于秩秩流行也于澗也

又于以采蘩于澗之中

又于以采蘋南澗之濱

又考盤在澗碩人之寬

爾雅曰兩山夾水曰澗

漢書曰沛公與項籍臨廣武澗而語數藉十罪

東觀漢記曰耿恭以踈勒城傍有水徙居之匈奴來攻絕其澗水吏笮馬糞汁飲之

水經註曰洛水東北流注于公路澗但世俗音訛號之曰光祿澗非也

○異苑曰符堅為慕容冲所襲堅馳騶馬墮而落澗追兵幾及計無由出馬即踟躕臨澗垂鞚與堅堅不能及馬又跪授馬堅攀之得登岸而走

幽明錄曰人有山行墜澗者無出路飢餓僅死見龜地甚多朝暮引頸向四方人因學之遂不復飢體殊輕便能登

岩岸經數年復竦身舉臂遂超出澗上即便還家顏色悅澤頗更聰慧泊食穀啖滋味百日復其本質

郡國志曰漢武元封二年有飛羊出庸澗初出一羊野中婦人大驚拍手羊因止今俗生羊禁婦人拍手是也

又水經曰吳房縣山澗有白羊淵淵水出羊

又曰赤松澗在東陽赤松子遊金華山以火自燒而化故山有赤松子之祠澗自山出故曰赤松澗

十道志曰廣武澗在今滎澤縣西

又征西記三皇山上有二城謂東西廣武城相去二百餘步隋河水從中東南流今無水城東有高壇即項羽坐太公於上以示漢軍處一謂鴻溝

盧氏嵩山記曰半馬澗人或云百馬澗亦曰拜馬澗故老傳王子晉得仙而馬還因人思之不見乃拜其馬於此也

韓子曰董安于為趙上地守行石阜山見深澗深百仞問其御左右曰人嘗有入此乎曰無有嬰兒狂聾人入此乎曰無有牛馬犬彘入此乎曰無有安于歎曰吾能治矣使吾法之吾赦猶入澗之必死則民莫之犯也

洲 上卷五

詩曰關關雎鳩在河之洲

爾雅曰水中可居者曰洲四方有水中央獨高可居也

史記曰越王勾踐平吳徙夫差於甬東韋昭曰即句章東

溪口外洲是也

晉書曰殷仲堪為荊州刺史先是仲堪遊於江濱見流棺撈而葬焉旬日間門前之溝忽起成岸其夕有人過仲堪

自稱徐伯云感君之惠無以報也堪因問門前之岸是何祥乎對曰水中有岸其名為洲君將為州言終而沒至是

果臨荊州

王隱晉書曰朱崖在大海中遙望朱崖州大如茵舉帆一日一夜至洲周回二千里徑度七百八里可十萬家女多

姣好長髮美鬢

吳錄地理志曰吳富春縣有沙漲武烈為郡吏赴府鄉人餞之會於沙上父老曰此沙狹而長君後當為長沙太守後果然因名孫洲

吳志曰孫權遣衛溫諸葛直將甲士萬人浮海求夷洲及甌洲在海中長老傳言秦始皇遣方士徐福將童男女

數千人入海求蓬萊神仙及仙藥止此不返還世世相承有萬家其上人民特有至會稽貨市

隋圖經曰漢水逕琵琶谷至滄浪洲洲即漁父棹歌處庾仲雍記云謂之千齡洲

水經注曰龍陽縣之洲長二十里吳丹陽太守李衡植橘於其上臨死勅其子曰吾洲里有木奴千頭不匱汝衣食

歲絹千疋

又曰崢嶸洲冠軍將軍劉毅破桓玄於此洲

山海經曰郁洲一曰郁洲在海中郭璞注曰即東海鬱洲山也傳此洲從蒼梧徙來上有南方物

扶南傳曰漲海中倒珊瑚洲洲底有盤石珊瑚生於上也

西京雜記曰梁孝王兔園之中又有鴈池池有鶴洲諸宮

館榭連異樹怪獸靡不畢備王與宮人賓客弋釣其中

吳地記曰長洲在姑蘇南太湖北岸闔閭所遊獵處也呈

主遣徐祥至魏魏太祖與祥曰孤此者願越橫江之津與

孫將軍遊姑蘇之上獵長洲之苑吾志足矣祥對曰大王

欲奉至順以合諸侯若越橫江而遊姑蘇是踵亡秦而躡

夫差恐天下之事去矣太祖笑曰徐生得無逆詐耶

湘中記或曰昭澤無底橘洲浮昭津湘水至深處也橘洲每大水諸洲悉沒而橘洲

獨存焉

王韶之始興記曰城西百餘步有樓霞樓臨川至管置清

暑遊焉羅君章居之因名為羅公洲樓下洲上菓竹交蔭

長揚傍映高梧前竦雖卽城隍趣同上丘壑盛弘之荊州記
曰南江上有龍洲下有寵洲二洲之間舊云多魚而投罟
揮網輒便掛絕乃有客沒而視之水中有一牛二頭常爲破
網故漁者患之

又曰江津東十餘里有中夏洲洲之首江之汜也故屈原
云經夏首而西浮又二十餘里有涌口所謂間間遨遊涌而
逸二水之間謂之夏洲首尾七百里

又曰枝江縣西至上明東及江津其中有九十九洲楚諺
曰洲不滿百故不出王者桓玄有問鼎之志乃增一爲兩
以克百數僭號旬時身屠宗滅及其傾覆洲亦消毀至宋
文帝在藩忽生一洲果龍飛江表

斯有驗矣也

荊州圖副曰百里洲其上平廣土沃人豐湖豐胡澤所產足穰
儉歲又特宜五果并柰梨蔗於此是出

荆南志曰板江縣界內洲大小凡三十七其十九有人居
十八無人

劉禎京口記曰嘉子洲西一里得貴洲周迴四十里許上多
有居民昔魏文帝伐孫權至此洲南望曰彼人有焉而退
因名曰貴洲

述征記曰晉寧縣有龍莽洲父老云龍蛻骨於此洲其水
今猶多龍骨

山謙之丹陽記曰江寧縣南二十五里有列洲晉簡文帝

盛弘之云宋本另提行

為相時會桓温處也

郡國志曰潮洲白嶼洲亦自浮來後會稽人姓丁識之云

魯藏銅鬲斗於上往取果得

又曰潤州長命洲梁武放生處後魏使李諸來聘武帝問

曰彼國亦放生否諸曰不取亦不放帝大慙

荆州圖經曰襄陽縣南八里峴山東南一十里江中有蔡

州漢長水校尉蔡瑁所居宗族強盛共保蔡洲為王如所

沒一宗都盡

又曰武當縣西北四十里江有滄浪洲長四里中廣十三

里禹貢稱漢水東流為滄洲浪水疑此洲是也方言曰水

可居者為洲二輔謂之淤郭璞注曰上林賦云行於洲淤之浦

輿地志曰伍子胥叛楚出關於江上見漁父求渡時傍多

人漁父歌曰灼灼兮侵已私與子期兮蘆之崎子胥既渡

解百金之劍于漁父漁父曰楚購子粟五萬爵執圭豈百

金之劍乎子胥曰勿令其露漁父知意遂覆舟而死其處

是羅洲水路去洲一百九十里

江夏記曰鸚鵡洲在荆北按後漢書曰黃祖為江夏太守

時黃祖賓客大會獻鸚鵡於此洲故以為名

又荆州記曰江夏郡城西臨江有黃鶴磯又有鸚鵡洲侯

景令宋子仙夜襲江夏藏船於鸚鵡洲

建安記曰郡西南大溪之中有仙人洲昔梅真人上昇墜

馬於此洲故後名墜馬洲

鄱陽記曰蠟洲在縣西南溪中有蚌出珠貞觀年中因雨

雲乃在梓州出珠官城據之咸亦不坐其水平溪可步

丹陽記曰白鷺洲在縣西三里隔江中心南邊新林浦西

對曰白鷺洲在大中多聚白鷺因名之

又曰烈洲在縣西南輿地志曰吳舊津所也內有小水堪

泊船商賈多停以避烈風故以名焉王濬伐吳宿於此簡

文為相時會桓玄之所也亦曰溧洲洲上有山山形似粟

伏湍北征賦謂之烈洲

又曰吳時客館在蔡洲上以舍遠使蘇峻作逆陶侃等率

所統同赴京師直指石頭次于蔡洲是也

又曰張公洲在縣西南梁書太清二年豫州刺史裴東之

等舟師二萬次張公洲二年陳霸先擊破侯子監師至張

公洲並此處

又曰和子洲在縣西南

三十國春秋曰晉咸和二年温嶠與陶侃起義兵伐蘇峻

帥師四萬直指石頭侃泊嘉子洲即此處也夏月堪泊船

冬月淺涸自永昌之初其洲忽一朝崩陷數里隨其形曲

折凡作九灣行者所依東西浩然矣尋陽記由鵲洲在縣

北

傳曰昭公五年楚以諸侯伐吳吳敗之於鵲岸按鵲頭與

鵲尾相去八十里杜預注去吳地也廬江舒縣東南有鵲

尾渚

廣雅曰湍瀨也

水經注曰益陽縣西有關羽瀨所謂關侯灘也南對其寧

尋陽記云宋本另提行

宋本有滿字題目行

故壘昔關羽屯軍水北孫權令魯肅甘寧拒之於是水寧
謂肅曰羽聞吾咳嗽之聲不敢渡也渡則成擒矣羽夜聞
二處分曰興霸聲也遂不渡

又曰漢水東為鱣湍洪波奔蕩崩浪雲頽故老言有鱣魚
奮鬣逆流望濤直上至此則曝鰓失滑故名湍

異苑曰永嘉郡有再簿瀨郡人斷水捕魚宰牲禱祭以祈
多獲逾時了無所得眾侶忿怨棄業將罷其夕並夢見老

公云諸君且可小停要思其宜夜忽聞有跳躍聲驚起共
看乃是大魚到以為頓獲百簿故因以百簿名瀨

益部耆舊傳曰犍為符沅和氏女名先雄和父乘船城湍
墮水物故尸喪不得雄哀慟號咷乘小船於父沒處哭數

聲自投水死後與文相持浮出

盛弘之荊州記曰桂陽來陽縣有兩瀨每縣百姓共雍之

其雨普降若一鄉獨壅亦徧應東有博望灘張騫使外國

經此船沒因以名灘灘下接魚復縣界有羊腸虎臂灘陽

亮為益州至此復没人至今猶名為使君灘

鄭緝之東陽記曰信安縣去十門四十里灘邊悉有石牒

長三尺許以羅列雜繒如店肆也

劉德明南記曰康輦水流二百餘里橫波二十四

處

木縣云灘五六五黃牛峽對面出土地象

益州記曰伏犀灘東南六十里有黃牛峽其崖峻嶮遠望

太平御覽

之斑潤頗像黃牛

又水經云昔有黃牛從棘溪而出上此崖乃化為石是名伏犀灘

又曰荔枝灘東南二十里山頂上有一家唯有一女貞樹樹上恒有白猿栖息郡國志云棘道有玉女冢是也

水經注曰江水又東逕狼^後而歷人灘袁山松云灘相

去二里人灘水至峻峭南岸有青石夏沒冬出其石欽崙

數十步中悉作人面形或大或小甚分明者鬚髮皆具因

名人灘也江水又東逕黃牛山下有灘名曰黃牛灘南岸

重嶺疊起最外高崖間有色如人負刀牽牛人黑牛黃成

就分明既人跡所絕莫得究焉此巖既兩加以江湍紆迴

雖途逕信宿猶望見此物故行者謠曰朝發黃牛暮宿黃牛言水路紆深迴環望如一矣

太平御覽卷第七十
地部三十五

淵

泉水

淵

說文曰淵回水也

尚書逸篇曰堯子丹朱不肖舜使居丹淵為諸使

韓詩外傳曰東海之上有士曰菑丘訢以勇遊於天下過

神淵飲焉馬粟沉菑丘訢朝服拔劍而入三日三夜殺三

蛟一龍而出雷電隨而擊之十日十夜眇其左目

大戴禮曰聖人有國則淵不湧

傳曰鄭子產曰若堯殛鯀鯀于羽山其神化為黃熊以入于

一不無丹字

音

太平御覽

卷第七十

一

淵

又曰鄭大水龍闔于時門之外洧淵

時門鄭城門也

水經注曰白鹿淵南北三百步東西千餘步深三丈餘其水冬清而夏濁淡然不流

九州記曰樂壽縣有房淵方三百里石勒建安三年水忽

變為赤燕慕容儁三年水忽生塩如印形其淵一日再長

再減不失其度居近者時有龍狗之狀戲於旁葉落於淵

者輒有群燕衝出

盛弘之荊州記曰新野城北有柴山山上有清冷之淵耕

父楊光之處

又曰漁復縣有神淵北有白塩崖天旱火燃崖上推其灰

燼下降淵中尋則降雨西有龍淵清深不測傳云漢祖伐

秦途經於此見淵中白壁赤柱狀若官府因名龍淵

宜都山川記曰鄉下村有淵淵有神龍每旱百姓輒以藺

草投淵上流魚死龍怒應時天雨

齊地記曰瑯琊臺上有神淵汚之則竭齋戒即出

莊子曰舜以天子讓其友北人無擇無擇曰異哉欲以其

辱行汚吾羞之自投於清冷之淵

管子曰水出於地而不流者命之曰淵

隨巢子曰夏桀德衰岱淵沸

尸子曰龍淵有五英

司馬相如上林賦曰丹水更其南紫淵經其北

泉水 上堂五

說文曰泉水源也

易象卦曰山下出泉蒙君子以果行育德

詩曰女衛水思歸被泉水亦流于淇有懷于衛靡日不

思

又曰爰有寒泉在浚之下

又曰泉源在左淇水在右

又曰莫高匪山莫浚匪泉

又曰相彼泉水載清載濁

又曰原隰既平泉流既清召伯有誠王心則寧

又曰臍沸檻泉

傳曰鄭伯寘姜氏于城穎而誓之曰不及黃泉無相見也

既而悔之穎考叔問公公語其故對曰君何患焉若闢地

及泉隧而相見其誰曰不然公從之

論語撰考識曰水名盜泉仲尼不漱

應劭漢官儀曰酒泉城下有金泉味如酒故曰酒泉郡

三秦記曰酒泉郡中有井味如酒也

晉安帝紀曰吳隱之字處默性廉操桓玄欲救漢南之弊

以隱之為刺史州界有一水父老云飲此水者廉士皆貪

隱之始踐境先至水所酌而飲之因賦詩以言志清操逾

厲

沈約宋書曰王彭亨貽人少喪母元嘉初父又亡家貧力

弱營葬鄉人助作塹須得水天旱穿井數十丈無水一旦塹灶前忽生泉用之事畢復竭助者嗟嘆

隋書曰豆盧勣武帝嗣位拜渭州刺史甚有惠政華夷悅

服德澤流行天降祥瑞鳥巢山谷呼為高武隴其下渭水

所出其山絕壁千尋由來乏水諸羌苦之勣馬足所踐忽

飛泉涌出有白鳥翔止廳前乳子而後去又白狼見於襄

武民為之謠曰我有丹陽山出玉漿濟我民夷神鳥來翔

百姓因號其泉為玉漿泉

唐書曰安金藏京兆長安人為太常丞初喪母寓葬於都

南關口之北廬於墓側躬造石墳石塔晝夜不息原上舊

無水忽有湧泉自出

遁甲開山圖榮氏解曰女秋暮汲石紐山下泉水中得月

精如鷄子愛而含之不覺而吞遂有娠十四月生夏禹

水經注曰若耶溪東又有寒溪溪北有鄭公泉深及數丈

冬溫夏涼漢太尉鄭公弘宿居潭側因以名泉

又曰橫流溪溪水甚小冬夏不乾俗亦為貪泉飲者輒冒

於財賄周於廣州石門貪流矣廉介為二千石則不飲之

昔吳隱之挹而不亂豈謂能泚其真乎蓋亦惡其名也

又曰汲城縣北三十里有太公泉泉上又有太公廟廟側

高林秀木翹楚競茂相傳曰太公之故居也

又曰土穀縣故城西水源方百步百泉俱出故謂之百脉

水

又曰霍太山上有岳廟廟甚有靈鳥雀不栖其林猛虎常守其廷又有靈泉供祭事鼓動則泉流聲絕則水竭也又曰長城背山面澤謂之白道城北出有高坂謂之白道嶺公路唯土穴出泉挹之不窮古詩飲馬長城窟非虛言也

風土記曰陽羨縣西南有泉常有紫黃色浮見水上出金之地也

益郡耆舊傳曰姜詩母好食生魚飲江水詩至誠之感動朝湧泉在於門側流江魚以結鱗羞

十洲記曰瀛洲有玉膏山出泉如酒味名之爲玉酒也玄中記曰東方有柴渚焉在齊國山山泉如井狀深不側

至春時寇從井中出出常敗五穀人常以林木柴塞則不出故名爲柴渚焉

魏土地記曰頌陽縣東八十里有駁牛山山下有泉泉競發有一神牛駁身自山而下飲泉竭故山得其名

魏記曰洛城東南六十里有涿鹿城城東一里有改泉泉上有黃帝祠

三輔舊事曰昔有犢失母哀鳴甚苦地爲發泉因名鳴犢泉今天旱祭之降雨在馮翊

又曰姜泉在岐山縣水經述云炎帝長於姜水故以名也皇甫謐帝王世紀云炎帝神農氏母爲喬氏女登爲少典

妃遊華陽感神而生炎帝長於姜水因以氏焉鄭元水經

義興記曰國山縣有金研研中沙石時灼灼如金者舊名金泉時獲真金也

漢水記曰漢水有泉方圓數十步夏常沸湧望見白氣衝天能差百病常有數百人飲之

宣城記曰臨城縣南四十里有蓋山登百許步有舒故泉昔有舒氏女與其父斫薪於泉處坐牽挽不動父還告家

比還唯見清泉女母曰吾女本好音樂及絃歌泉湧泗流見朱鯉一雙今作樂嬉戲泉故湧出

周景式廬山記曰山西有龍泉精舍初遠法師遣諸道人行卜地息此而渴法師因以杖掘地即泉出天旱法師令

道人讀海龍王經泉中有物如蛇而出角騰空中去須臾而雨

括地圖記曰昆丘之上有赤泉飲之不老神宮有美泉飲之眠三百歲乃覺不死

盛弘之荊州記曰城東北三百步有孔子泉其水甘馨雖

蔗漿無以過也又曰宜都夷陸縣南勾將山下有三泉傳云本無此泉居

者苦於汲水有一女子孤貧忽有一乞人瘡痍競體村人無不稱惡此女哀矜飼之乞人乃腰中出刃刺山下三處

即飛泉湧出潯陽記曰山脊有澗深尺餘朝夕輒有湧泉溢出如潮號

為潮泉

外國圖曰負五有赤泉飲之不老

郡國志曰蘭州有梁泉昔梁暉者為菴所圍無水暉以鞭

扣地以青羊祈山神湧泉出而榆木成林

又曰肅州延壽城有山出泉注地水肥如肉汁燃之極明

與膏無異但不可食地方人謂召漆得水愈熾

呂氏春秋曰太公釣於滋泉

又曰水之美者崑崙之井高泉之山有湧泉焉

淮南子曰正土之氣仰乎埃天正土中也其氣土埃天五

百歲生英英石名也中央數五英五百歲生黃頰黃頰英五百歲

黃頰五百歲生黃金黃頰英五百歲黃金千歲生黃龍黃龍

黃龍入藏生黃泉黃泉黃龍之精為黃龍也黃泉之埃上為黃雲

其氣上陰陽相薄為雷激陽為電言黃氣之相激薄也上者就下其

傷復於流水就通激而合乎黃海言水從天下則通流入海也偏土之

氣仰乎青天偏土方青天八百歲生青增青增青石也東

而一青增八百歲生青頰青頰八百歲生青金青金千歲生

青龍青龍入藏生青泉青泉之埃為青雲陰陽相薄為雷激陽

為雷上者就下流水就通而合乎青海壯土之氣仰於赤

天壯土南赤天七百歲生赤丹赤丹砂也南方數七赤天

七百歲生赤金赤金砂也赤金千歲生赤龍赤

龍入藏生赤泉赤泉之埃上為赤雲陰陽相薄為雷激陽為電

上者就下流水就通而合乎赤海弱土之氣仰乎白天弱

西方白天九百歲生白礬白礬白石也西方數九白礬九

百歲生白礬白礬白石也西方數九白礬九

百歲生白頰白頰九百歲生白金白金千歲生白龍白龍
入藏生白泉白泉之埃上為白雲陰陽相薄為雷激陽為
電上者就下流水就通而合乎白海壯土之氣仰乎玄天
攷土北也玄天六百歲生玄磁磁石也北方數六故玄磁六
百歲生玄頰玄頰六百歲生玄金玄金千歲生玄龍玄龍
入藏生玄泉玄泉之埃上為玄雲陰陽相薄為雷激陽為
電上者就下流水就通而合乎玄海

又曰崑崙四水者帝之神泉以和百藥以潤萬物也

傅咸神泉賦曰余所居庭廡前有湧泉在夏則冷涉冬而
溫每夏遊之不知歲之有暑

抱朴子曰崑崙及蓬萊其上鳥獸飲玉井泉皆長生不死

也

李華雲母泉詩序曰洞庭湖西玄石俗謂之墨山山南有
佛寺寺倚松嶺嶺下有雲母泉泉出石引流分渠周遍庭
宇發源如乳源末派如浮漿烹茶灌園漱濯皆用之大侵
不盈大旱不耗自墨山西北至石門東南至東陵廣二十
里盡生雲母墻階道路光彩如列星井泉溪澗色皆純白
鄉人皆壽考無癘痼疥搔之疾華深樂之

太平御覽卷第七十

宋本校 計共七頁
宋本復校

新
本
外
利
子



